


T.4718/8008
~~T4687/8008~~

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938



八旗平定初集卷之三十一百二十九

宗室王公列傳一

禮親王代善

原封貝勒親王滿達蘇子貝勒常阿魯

康親王傑書子子孫承襲

順承郡王勒克德渾

順承郡王勒克德渾

輔國公馬勝

八旗通志初集卷之一百二十九



宗室王公列傳一

禮親王代善

原封吳親王滿達海

子貝勒常阿岱
孫奉恩將軍席倫圖

康親王傑書

父追封親王祐塞
子康親王椿泰

兄郡王精

穎親王薩哈廉

順承郡王勒克德渾

原封順承郡王勒爾錦

弟順承郡王諾羅布

謙郡王瓦克達

輔國公馬瞻

正紅旗和碩禮親王代善。

太祖高皇帝次子也。生而英毅。智勇過人。從征哈達輝發葉赫等國。論功封爲貝勒。丁未年。以瓦爾喀蜚攸城人苦烏喇國布占泰貝勒之虐。乞移家歸附。代善與舒爾哈齊貝勒。洪巴圖魯貝勒。及一等大臣費英東。扈爾漢。轄率兵三千往徙之。乘夜陰晦而行。見大燾。之上有光。衆以爲異。捫視無有。復樹之。光如初。舒爾喀齊貝勒疑爲凶兆。欲回兵。代善與洪巴圖魯貝勒並決意進兵。遂至蜚攸城。盡收環城屯寨凡五百戶。令扈爾

八旗通志 卷五十九
漢轄率兵三百衛之先行。布占泰發兵萬人邀諸路。次日代善與洪巴圖魯諸貝勒至。策馬奮怒。率勵軍士進擊。衆軍士皆奮勇願効死。遂渡河。代善與洪巴圖魯貝勒各率兵五百分二路。緣山奮擊。烏喇兵遂敗。代善追及烏喇統兵貝勒博克多。從馬上左手攫其胄而斬之。時天氣清明。忽陰晦。大雪寒冽。被傷敵兵棄甲逃者甚衆。是役也。陣斬博克多貝勒父子。生擒常住貝勒父子及胡里布貝勒。斬三千級。獲馬五千匹。甲三千副。

太祖嘉其功。賜名古英巴圖魯。癸巳年九月。烏喇國布占泰貝勒復背盟。代善隨

太祖統大兵征之。布占泰率兵三萬。越伏爾哈城而軍。時領兵諸貝勒大臣欲戰。

太祖欲復加申諭。未忍加兵。代善曰。所慮者無計令布占泰出城耳。今彼兵旣在平原曠野。舍此不戰。何故興兵而來。厲兵秣馬。亦無用矣。今士飽馬騰。列陣在此。當決戰也。

太祖曰。爾等欲戰。卽戰可也。時諸貝勒大臣及軍士皆踴躍。遂進兵。烏喇兵大敗。十損六七。餘皆棄兵

甲四散而遁。我兵乘勢奪門。遂克其城。布占泰率敗兵不滿百人。急回城下。見城陴悉樹我軍旗幟。大驚而奔。代善統精兵截戰。布占泰勢不能敵。遂遁。又損兵過半。餘皆大潰。布占泰僅以身免。天命元年。

太祖正大號。叙羣臣功。封和碩大貝勒四人。以代善為首。四年三月。明大發兵四路來侵。達爾漢轄率兵先行。代善率兵二千繼之。遇明遊擊喬一琦兵。擊破之。擒一琦。六年七月。鎮江城。中軍陳萬策。與居民潛通於明將毛文龍。令別堡之民詐

稱兵至。大呼噪。城中驚擾。萬策乘亂。執城守遊擊佟養正。殺其子豐年。并從者六十人。叛投毛文龍。

太祖聞之。命代善率兵三千。遷鎮江沿海居民於內地。十一年八月十一日。

太祖龍馭上賓。代善及子岳託。薩哈廉。共作議書詣朝。以書示大貝勒阿敏等。言推戴

太宗文皇帝嗣統。眾皆喜。太宗讓至再三。眾議堅不可却。然後

從之。十一月奉

命率精兵萬人。往征蒙古喀爾喀扎魯特部落。執巴克貝勒與其二子。及喇什希布代青桑噶爾寨等十四貝勒。殺吳爾寨圖貝勒。其子女人民牲畜。盡俘獲而還。天聰元年五月。奉

命與阿敏貝勒。碩託貝勒。率正紅旗。鑲紅旗。鑲藍旗兵。征明。攻錦州。圍其城。三年十一月。

太宗親統大兵。征明。至北京。前哨瞭見明大同總兵滿桂。宣府總兵侯世祿等。以兵來援。俱至德勝門。代善領白甲擺牙喇兵。及蒙古兵。前進攻擊。追至隘口。掩殺甚眾。十二月。隨

太宗率擺牙喇兵。及礮手。共五百名。往視薊州。代善先發。會有山海關步兵五千。來援薊州。距城二里許。與我兵遇。敵兵不及入城。遂立營。環列車盾。鎗礮。代善與諸貝勒。親率兵衝入。殲其眾。四年二月。明兵部尚書劉之綸。率兵至遵化。營於山上。代善奉

命率八旗擺牙喇兵。往攻之。以兵圍山。招綸降。不從。遂縱兵攻破其營。盡殲之。五年七月。和碩圖額駙。固山下牧馬。取草。兵遇明臺軍出。被殺者十人。失馬三十五。駝十。代善與濟爾哈朗貝勒等。率

兵三千。以紅衣礮大將軍礮圍攻其臺。焚近臺房屋百餘間。獲駝馬數十。留兵守之。七月。我師征明。圍大凌河城。明遣兵來援。拒城十五里而軍。代善隨。

太宗率滿洲蒙古舊漢兵約二萬。往視之。敵馬步兵合營四面。列大小礮及鳥鎗。我右翼兵衝入敗之。生擒明監軍道張春。及武官張洪謨。楊華徵。薛大湖等。時被擒各官。見

太宗皆跪拜。獨張春不跪。

太宗怒。援弓欲射之。代善諫曰。我前此陣獲之人。何嘗

不收養。此人既以死爲貴。奈何殺之。以遂其志乎。遂置之。八年五月。隨

太宗率大兵征明。出榆林口。六月。與子薩哈廉貝勒。碩託阿格。率兩紅旗及蒙古兵。自喀喇俄保地方入邊。攻得勝堡。正紅旗尼哈里。先登克之。盡殺其兵。城守叅將李全自縊死。鎮江堡民皆逃散。進兵攻大同懷仁縣。未克。駐兵朔州。七月。

太宗遣敦多惠喀木圖諭代善。率兵越馬邑縣。駐劄八月。

太宗親攻大同。代善率兵來會。

太宗出迎。命入營。同坐黃幄中。代善以所獲之物進獻。賜代善宴。宴罷。復出營親送之。天聰十年四月。

太宗建國號大清。改元崇德。大封功臣。首晉封代善爲和碩兄禮親王。十二月。從

太宗征朝鮮。受其降以歸。八年八月。世祖章皇帝嗣統。郡王阿達禮貝子碩託謀立睿王多爾袞。禮親王代善發其謀。阿達禮。碩託。伏誅。阿達禮。爲代善孫。碩託。代善第二子也。衆咸謂王大義滅親。比烈周公云。順治五年十月壬寅薨。年六十有六。以第七子滿達海襲親王爵。

賜號曰弼。是年定

賜諸王以下修造園塋銀兩例。親王銀五千兩。奉旨。和碩禮親王與衆不同。特賜銀一萬兩。六年十月。立

聖祖仁皇帝特表王功績。追謚曰烈。再建碑曰。自古帝

王創業垂統。必懋建本支。以作藩屏。故生隆顯爵。歿錫豐碑。親親賢賢。典甚重也。爾和碩禮親王代善。乃

太祖高皇帝次子。

太宗文皇帝兄也。忠純天挺。端格性生。秉志精誠。夙懷

英毅。當

太祖高皇帝草昧經綸之時。以本支之親。膺心膂之任。披堅執銳。不避矢石。捐軀裹創。戮力疆場。如征哈達。平輝發。定葉赫等國。王親率將士。多所斬獲。及攻烏喇國。王陣斬兵主貝勒博克多。大破其軍。嘉乃丕績。因賜名古英巴圖魯。嗣克開原。下鐵嶺。取遼東。肇基立業之隆。王或以智取。或以戰勝。多著奇勲。

太祖高皇帝初登大寶。分封四和碩。大貝勒。以王爲大貝勒。斷驛王與衆不同。其親屬一苗。而大貝勒。

太宗文皇帝平定朝鮮。收服察哈爾等蒙古諸國。攻明郡縣。式廓疆圉。王出則効力戎行。入則宣猷廊廟。無

不殫厥心力。崇德元年。初封宗室王爵。以王爲和碩兄禮親王。

世祖章皇帝入關定鼎。勦除流寇。殄滅福王。統一寰區。王丕襄泰治。翊贊鴻猷。裨益實多。嗚呼。若王者。可謂忠冠當時。而功昭後世者矣。乃以疾薨逝。

世祖章皇帝時。切哀思。每深痛悼。特賜祭葬。勅建豐碑。朕今追念前徽。加諡曰烈。復念勲名。旣載於盟府。而風烈宜表於隧阡。詳述懋功。顯揚忠義。重勒貞珉。用傳不朽。以示敦睦。懿親之意云爾。子八人。長子克勤郡王岳託。第三子穎親王薩哈廉。俱自有傳。

原封吳親王滿達海。禮親王代善第七子天聰
二年。大兵征明。圍錦州。滿達海率師往截明杏
山糧運於海上。取之。崇德五年。復從大兵圍錦
州。擊敗杏山援兵。又以紅衣礮擊敗松山馬兵。
六年五月。封輔國公。從肅親王豪格駐劄松山。
以本旗兵擊敗明松山兵。錦州城中有兵出城
刈草。率右翼轄員擊走之。明錦州兵來犯我鑲
紅旗營。滿達海助擊敗之。明經畧洪承疇以兵
十三萬來援錦州。滿達海以步戰破其三隊。洪
承疇兵復來犯。力拒之。人馬俱被創。肅親王豪

格援之曰。爾馬傷矣。此有黃馬。宜速易之。比易
馬而明兵大至。乃返擊明兵。殿後而還。明兵復
乘天雨來犯。率兵擊却之。明總兵吳三桂率兵
據山立營。滿達海領吉爾丹纛兵往擊。毀其營。
十一月。從豫郡王多鐸赴寧遠。有明兵運粟於
海上。率兵擊取之。七年。從鄭親王濟爾哈朗等
征明。克塔山。八年。從鄭親王濟爾哈朗。克明中
後所。前屯衛俱有功。是年八月。

命掌理都察院事。順治元年。從睿王多爾袞入山海關。
擊走流賊。復敗流賊於慶都縣。二年。隨英親王。

阿濟格奪黃河渡。進克沿邊三城。圍流賊於延安府。守護紅衣礮。攻克其城。又追流賊至湖廣承天府。破偽蕭王。十月晉封固山貝子。三年從靖遠大將軍肅親王豪格征四川。破流賊張獻忠。四年分兵畧遵義夔州茂州榮昌隆昌富順內江資陽等處。多斬偽王偽巡撫道員偽總兵副將等官。川寇悉平。六年四月襲父親王爵。七月授征西大將軍。與多羅謙郡王瓦克達征大同叛鎮姜瓖。攻朔州寧武等處。八月克朔州馬邑。降寧武關偽總兵劉偉。偽道員趙夢龍。及偽

副將以下官弁五十餘員。馬步兵五千四百餘名。靜樂縣寧化等所。山寨悉平。九月克汾州。斬偽巡撫姜建勳。偽布政使劉炳業。十月遣燾章京素渾圍平遙。偽知縣劉三元棄城走。又遣署燾章京希爾根圍太谷。以紅衣礮破其城。偽知縣李成沛。偽都司吳成器率眾遁。遣兵追殲之。時潞安府賊分兵拒沁州。又圍遼州。隨遣多羅貝勒拜尹圖。燾章京索渾馳赴沁州。賊聞風遁去。遂拔沁州。趨潞安府。賊又遁。偽道員胡國鼎來戰。大兵圍之。比夜遁去。遣兵邀擊之。悉斬其

衆又遣鎮國公韓岱署纛章京希爾根赴遼州。擊賊兵大破之。屯留襄垣。榆社武鄉等縣俱降。是月奉

召還京。八年二月。給封號異親王。三月。

命掌理吏部事。六月。世祖章皇帝幸南苑。特賜鞍馬。九年二月薨。年三十一。

賜祭葬如典禮。諡曰簡。七月。子常阿岱襲封異親王。十

六年十月。以滿達海曾諂媚睿王多爾袞。降常

阿岱爵為貝勒。追奪滿達海諡號及碑。

詔以多羅康郡王傑書襲伊祖代善親王爵。康熙四年

四月。常阿岱薨。諡懷愍。以子星尼降襲固山貝子。十五年二月。封常阿岱子席倫圖為奉恩將軍。三十六年七月。席倫圖從征厄魯特有功。加

一拖沙喇哈番。

和碩康親王傑書。禮親王代善之孫也。父曰祐

塞。禮親王第八子。順治三年六月。封鎮國公。是

年卒。以傑書兄精濟襲封鎮國公。尋晉多羅郡

王。六年三月薨。諡懷愍。十月。傑書嗣封多羅郡

王。八年二月。

賜封號曰康郡王。十五年五月。

賜封號曰康郡王。十五年五月。

八旗通志 卷一百二十九
二
詔以傑書爵。追封其父祐塞爲多羅郡王。謚惠順。順治十六年十二月。巽親王常阿岱降。貝勒。乃以傑書襲其祖代善親王爵。仍號康。康熙元年三月。追贈其父祐塞亦爲親王。十三年春三月。逆藩耿精忠據福建反。分遣賊兵犯浙江江西。六月。授傑書爲奉命大將軍。帥師同貝子傅拉塔。由浙江進剿。是年冬。疏報耿逆僞都督徐尚朝犯金華。遣副都統馬哈達。斬其將吳榮先等三十餘人。殲賊兵二萬衆。十二月。遣夸蘭大拜。色副將牟大寅。擊賊於紫瑯山。斬獲甚多。僞都督徐

尚朝。復率馬步兵三萬。土寇二萬。來犯金華。遣都統巴雅爾等。破之於積道山。殺賊二萬餘。招撫僞總兵官等七百餘人。獲僞勅印軍器無算。十四年正月。疏報副都統馬哈達等。破僞總兵徐尚朝。殺賊千餘。恢復永康縉雲二縣。二月。疏報夸蘭大張所志。運礮至上虞縣。遇賊方懋功。來邀截。遂奮勇進剿。生擒賊四十五名。追殺三百餘名。僞總兵馮公輔。自義烏縣遁。盤踞武義縣附近諸山。遣署前鋒統領希佛。敗之於苦竹地方。生擒僞都司何處儒等官三十二名。復義

烏武義二縣。又疏報耿逆偽總兵沙有祥。踞桃花嶺險要。屯守處州。遣副都統馬哈達。總兵官李榮。勦之。復處州。賊敗走仙居。遣副都統伯穆和林等。三路分進。至白水洋。連破偽鎮海都督林坤等十三營。我師直抵仙居城。耿逆梟帥曾養性。又助賊兵一千堅守。屢招不降。遣署護軍叅領額庫納。以兵伏城西。署叅領齊林布。尾陣助戰。署叅領禪拜等。以梯三面攻之。於是賊由西門遁。我伏兵起。盡殲之。生擒偽都督僉事朱富。獲礮三百五十八位。及偽關防軍器無算。遂

復仙居。三月。

聖祖仁皇帝命杭州都統喇哈達。赴傑書軍前。叅贊併

令寧海將軍貝子以下。聽傑書節制。三月。疏報平南

將軍賴塔。敗偽將軍馬九玉於衢州。斬千餘級。

擒偽都司一名。時耿逆偽帥馮公輔。敗奔宣平

縣籠坑地方。嘯聚餘黨。復行狂逞。遂遣遊擊田

萬侯。往擊敗之。馮公輔遁走。我師抵宣平。進至

大旗口。遇馮公輔率賊伏避叢莽。見我師至。以

死鬪。我師分三路接戰。自辰至午。賊敗走。追至

賊寨。奪隘而入。殺賊二千三百六十餘名。擒都

八旗通志 卷一百二十九
司徐之英。焚其巢。四月。疏報偽騎都尉連登雲。由松溪。偽總兵徐尚朝。由溫州。兩路來犯處州。遣副都統馬哈達。三等台吉查渾等。擊敗之。擒斬偽參將陳亮等三十四員。五月。招撫偽參謀葉存忠。偽總兵韓六合等。一百六十餘員。兵一萬九千餘名。閏五月。疏報逆賊三路侵犯處州。敗之於十八都石塘。石佛嶺等處。恢復松陽縣。又擊賊於宣平武義二縣。大王嶺東隴隘口。上套寨。下五塘等處。屢敗之。招撫偽官一百三十餘員。兵一萬餘。八月。疏報我師自土木嶺進剿。

半山嶺賊。大敗之。賊將曾養性棄營拒守黃巖。遂遣貝子傅拉塔往圍之。曾養性夜突圍走溫州。餘賊開門降。遂復黃巖。九月。疏報破偽將軍馬九玉。副將李廷魁兵。於衢州府北元口山。斬獲甚衆。燬其營。賊復盤踞夏州河西。於八月中。旬舉火。突犯駐防官兵營。八旗兵奮勇往擊。追剿二里許。賊復犯江家山營。又大敗之。十月。疏報破賊衆於上塘嶺。生擒偽官三十五名。兵五百餘。恢復太平。樂清。青田。三縣。及大荆。磐石。二衛。十一月。疏報十月大兵進攻溫州。敗賊於南。

八旗通志 卷一百二十九
江石塘等處。僞副將朱起龍自溫州投誠。十五年三月。疏報大兵困溫州。敗僞都督曾養性等兵四萬衆。陣斬僞都督孫可得。僞總兵李節等三百餘人。殺賊二萬餘。仍撥兵立營江岸。以遏賊往青田去路。賊勢大挫。又擊賊於八帶橋張村。大破之。五月。疏報賊帥馮公輔攻陷宣平。夸蘭大黨喀里。敗之於陶村。夏灣等處。追至宣平。大破之。恢復宣平縣。生擒僞遊擊都司千總把總等八員。斬賊九百餘級。六月。疏報寧海將軍貝子傅拉塔。率師過三角嶺。循江路進擊僞都

督曾養性於古溪路。拔其營。斬三百餘級。以火礮擊沉其船。大路乃通。遂抵溫溪渡口。擊僞都督馬成龍。僞總兵陳貴兵大敗之。追十里許。殺賊千餘。生擒百餘名。降僞都司鄭雄。遊擊馬國銘等。僞將軍馬九玉敗奔。遣副都統馬哈達往追之。八月。至仙霞關。分路夾攻。翌日。僞叅將金應虎等獻關降。於是長驅直進。拔浦城。又攻克建陽縣。進至建寧府。賊兵遁。恢復府城。獲僞劄軍械無算。十月。疏報親帥師抵延平府。僞將軍耿繼美以城降。耿精忠懼。隨遣精奇尼哈番劉

八方通志 卷之二十九
三十一
蘊祥獻偽總統將軍印。續遣子耿顯祚來迎我師。王遣人賫免死。

勅諭前往諭之。十月初四日。耿精忠率文武官弁出城迎降。獻所屬官兵冊籍。十二月。疏報偽將軍黃朝用。黃高。偽親軍侯都尉白顯忠。各率偽官兵相繼投誠。遣人招撫耿繼善。繼善先棄邵武城遁往江西。時海賊鄭錦以偽總統許耀率兵三萬直逼福州。至烏龍江南小門。真鳳山等處結寨。遂遣叅贊軍務都統喇哈達率兵進剿。大敗之。追擊四十餘里。恢復泰寧。建寧。寧化。長汀。清

流。歸化。連城。七縣。及汀州府城。招降偽官七十
三員。兵丁二千五百。十六年。疏報副都統伯穆
和林等。遣滿洲兵恢復福建上杭。武平。永定。及
江西瑞金等縣。招降偽總兵尹雲龍。曾顯洪。張
威。及偽副將知縣等官二百十九名。贛州路通。
又疏報大兵進剿興化。連破海賊二十六營。陣
斬偽總督趙得勝。偽總兵副將等六十二員。恢
復興化府。守仙遊縣。偽總兵郭維藩率眾投誠。
三月。疏報克泉州府。海賊潰遁。陣斬偽虎衛將
軍許耀。偽總兵六員。偽副將三十一員。安撫所

屬各縣難民。又疏報海賊棄漳州海澄而遁。海澄僞副將孫紹芳、漳州僞知府程夢簡等相繼於軍前納款。寧海將軍喇哈達率大兵於二月二十日抵漳州，遂復府城及海澄等十縣。閩地悉平。

聖祖嘉其績，特諭曰：王統率大兵自衢州入仙霞關，直抵福州，勦撫並用，所向克捷，擊逐海賊，收復全閩，安輯百姓，克奏膚功，深爲可嘉。七月，疏報僞將軍樂燦呈繳僞印劄，率衆投誠。十月，疏報漳州龍溪縣班山、泉州南安縣五都、同安縣三保溪等處逆

賊立營寨，盤踞山谷，騷擾百姓，爲害已久。遣前鋒叅領都克納、侯馬三奇、副將馮兆京、副都統紀爾他布等率滿漢官兵於班山等處進勦，賊衆屢敗之。併招撫僞副將黃邦漢等。十一月，疏報夸蘭大杜巴等統官兵敗賊朱寅等於泉州關口。總兵官侯馬三奇等敗賊於和平橋、草蒲巷。副都統伯穆和林、副都統鄂申巴圖魯、總兵官侯馬三奇三路進兵，恢復石井清寺。十二月，疏報海賊率兵五千餘圍泉州府所屬小營地方。副都統楊鳳翔提督段應舉往援，擊敗之。生

擒僞副總兵黃忠等百餘人。水陸共殺賊三千餘。十七年二月。疏報逆賊韓大任。陳堯元。李懋珠等。率僞官九百五十四員。兵一萬三千三百一十九名投誠。四月。疏報閏三月。官兵連破漳州海賊陣。斬僞提督總兵等。焚燬賊營。獲僞印劄船隻器械無算。九月。疏報遣署副都統禪布等。統兵進剿海賊。兩路夾攻。恢復惠安縣。解泉州圍。十二月。疏報都統賴塔等。於十月二十七日。敗海賊於柯鑑山萬松關。副都統紀爾他布。總督姚啟聖。提督楊捷等。敗賊劉國軒於江東。

橋。又敗之於潮溝之間。副都統胡圖。敗賊吳淑於石衛寨。斬獲無算。盡奪賊寨。沉其船。十八年正月。疏報副都統紀爾他布。巡撫吳興祚。擊賊劉國軒。吳淑。何祐等。於郭塘歐溪頭地方。大敗之。追至江邊。斬首二千餘級。生擒僞總兵一名。僞副將二名。五月。疏報海賊僞總統劉國軒等。侵犯江東橋。平南將軍賴塔等。統官兵迎擊。賊敗走太平寨。我兵追剿。殺千餘人。八月。疏報僞總兵楊彩。黃栢。僞水師三鎮總兵吳定芳。僞副將陳化甲等。及僞總兵張文魁。各率僞官兵丁。

相繼投誠。十月。疏報擊敗賊衆於東石地方。斬
僞總兵陳深等。十一月。疏報敗海寇於鰲頭山。
十九年三月。疏報海中大定小定地方。逼近厦
門金門。係我師必由之道。逆賊鄭錦遣僞將軍
張志屯糧聚衆。欲據此地以待我師。臣遣駐防
杭州副都統鄂申巴圖魯率滿洲綠旗兵進大
定地方。奮勇勦殺。賊遁。尾其後。斬獲無算。焚燬
賊巢。恢復大定小定地方。又疏報大兵水陸分
進。規取玉洲。賊渠劉國軒奔竄石馬海澄。爲我
兵進勦甚急。復走厦門。隨遣官招撫海澄僞總

兵蘇堪。卽開西門來迎我師。玉洲石馬海澄悉
行恢復。五月。疏報追勦海賊僞帥劉國軒等於
三月十二日。克取銅山。焚燬賊巢。併招撫僞總
兵楊祿張輝等。大小僞官共二千五百餘員。兵
丁二萬五千九百餘人。六月。疏報招撫僞將軍
江機等僞官一千一百三十八員。兵丁四萬三
千六百二十九名。十月壬寅。凱還。

聖祖率諸王大臣等郊迎於二十里外。

命傑書至黃幄。近前抱見。賜坐御座右。賜茶。旋擢任議
政。二十二年正月。疏言官兵向駐永興城中。與

賊對壘。仰荷

天眷。靈神顯助。於雞公山真武廟旁。豎旗列隊。一時官

兵賊眾。無不共見。於是我軍氣奮。賊勢退沮。其

雞公山廟神。理應特致褒旌祀典。以垂永久。旋

奉

旨如所請。春秋致祭。二十九年七月。以厄魯特噶爾丹

叛。

命王等率兵前往。會撫遠大將軍裕親王福全軍。七月

復奉

命率兵防守歸化城。三十六年閏三月庚寅薨。

諭祭二次。諡曰良。建碑墓道。文云。朕丕纂鴻業。誼篤天

潢。敦念本支。每優眷禮。其在宗英。茂德茅土。早膺用

命。疆場勤勞。懋著。生既邀夫寵錫。歿宜被以隆施。爾

和碩康親王。乃和碩禮親王之孫。蒙

世祖章皇帝推恩屬籍。授以多羅郡王之爵。尋進親王。

纘乃祖服。後叅議政之列。得備機務之間。洎命將戡

除三逆。勅為奉命大將軍。指授方畧。俾帥師由浙取

閩。王仰承廟算。勦撫寇賊。巖疆既奠。振旅還朝。圭組

雍容。恪勤罔替。朕彌嘉乃勞績。王益持以小心。方期

荷茲寵光。永享多福。而遐齡未究。一旦溘亡。軫憶生

平。用深悽惻。爰遵憲典。載錫誅章。賜葬易名。以光泉壤。嗚呼。勲留竹帛。尚思宣力之懿親。澤沛宗藩。懋展飭終之令典。勒垂琬琰。式賁松楸。七月。以子椿泰襲

康親王爵。四十八年六月。椿泰薨。

賜祭葬如典禮。諡曰悼。立碑墓道。文云。國家懋建宗藩。延及後嗣。昭垂典禮。備極始終。所以廣敦睦之仁。示親愛之誼。故其生也。旣膺華撫之榮。其歿也。宜有優崇之錫。情至厚。恩至渥也。維王派出銀潢。支分玉牒。襲祖父之世服。繼榮顯之重封。方冀克享遐齡。多福是荷。詎意忽傷早世。中道云亡。旣灌竚之再行。復垣

塋之式建。爰循舊典。聿表貞珉。爲王易名。諡之曰悼。嗚呼。分珪列爵。旣覃厚於生前。幽壤餘光。庶祇承於身後。用頒寵命。昭示來茲。不亦休歟。子崇安。以是年十月。襲康親王爵。雍正五年。奉

命管理宗人府事。十一年九月初七日薨。諡曰修。

賜祭一次。十二年四月。以悼王第三弟輔國將軍巴爾

圖襲康親王爵。

和碩穎親王薩哈廉。和碩禮親王代善第三子也。天姿聰敏。通曉滿漢蒙古文義。屢從征伐。所向有功。天命十一年。封貝勒。四月。討多羅特。率

三旗兵斬其孤魯台吉。十月。隨父大貝勒代善。往征喀爾喀扎魯特部落。執十四貝勒。又殺吳爾寨圖貝勒。盡俘其子女人民牲畜而還。天聰元年五月辛未。

太宗文皇帝親統大兵伐明。薩哈廉與兄岳託率精騎前行。捉生探信。辛巳。與兄岳託率偏師往衛塔山運糧。士卒有明兵二萬。與我前軍八十人遇。擊敗之。盡獲其馬匹甲冑。癸巳。大兵進圍寧遠。明總兵滿桂率兵及密雲兵出寧遠城東二里。列陣於南。環攻於後。我大兵擊敗其衆。追至城

下。薩哈廉同諸貝勒繼至。分兵勦殺。遂大殪之。是役也。薩哈廉被創。戰彌厲。三年十一月。從

太宗征明。丙申。薩哈廉等赴通州。相視渡口。兼捕哨卒。

辛丑。大兵逼明北京。至德勝門。大同總兵滿桂。宣府總兵侯世祿。寧遠巡撫袁崇煥。錦州總兵祖大壽。以兵來援。薩哈廉同大兵擊敗之。十二月壬申。同諸貝勒往畧通州。焚其船。遂攻克張家灣。丁丑。圍永平府。進克香河縣。又敗明三河山後之蒙古兵。進克永平。四年正月。同濟爾哈

朗貝勒奉

命統兵一萬。留守永平府。有李春旺者。造言將屠城。以惑衆。斬之。梟其首以示。別遣人執旗招諭。近城之臺頭營。遷安縣。灤州。建昌營。皆降之。四月壬子。明兵自樂亭。撫寧。諸縣。來攻灤州。薩哈廉率兵往擊之。抵灤州河岸。敵兵遁。乃還。五年七月。初設六部。以薩哈廉管禮部事。十一月。察哈爾國兵。侵阿魯蒙古。駐收之西拉木輪地方。薩哈廉奉

命同豪格貝勒。率兵四百往征之。尋聞察哈爾兵遠遁。乃還。六年五月。同濟爾哈朗貝勒等。率右翼兵

畧歸化城。黃河諸路。俘獲蒙古千餘。七年六月。太宗命諸貝勒大臣。各抒所見。陳奏時事。薩哈廉奏言。

明與察哈爾。朝鮮三國。若論緩急。當寬朝鮮。拒察哈爾。而專征明。蓋察哈爾國。我雖不加征。如蟲食穴中。勢必自盡。不煩急圖。至於明國。實不可緩。若我兵少。緩一年。彼必固守一處。臣意謂。當視我秋成豐歉。乘彼禾稼方熟。卽往攻之。進兵兩次。必有頭緒。何以言之。初次激勸士卒。惟量留兵固守。以防察哈爾。其沉重器械。不必携往。

聖上與諸貝勒。惟率精騎直入。盡力勦殺。儘取其物。卽速出邊。至第二次。則

聖上與未出痘貝勒。且勿往。惟以科爾沁全部兵。及外藩蒙古兵。與我八旗擺牙喇一半。出屯外郊。哨探固守。以防察哈爾。再數遣人往說祖大壽。命已出痘貝勒將帥。率訓練之兵預備器械。自一片石入奪山海關。則寧遠錦州爲無用矣。不然。仍從故道而入。斷絕北京四面之路。相度地形。及糧餉充足之地。奪其四城。據守勿歸。二三年中。縱兵奮攻。有不就緒之理乎。如此攻戰。而猶

未速就緒。且有急於懷歸之心。則甘受誑

君之罪。七年八月。遂同諸貝勒畧明山海關一帶。俘獲

人口及牛馬無算。八年二月。同諸貝勒攻廣鹿長山二島。共獲男子一千四百五名。婦女幼小二千四百六十六名。五月。從大兵西行。六月。同諸貝勒奉

命由喀喇俄保地方入邊。攻得勝堡克之。盡殲其兵。城

守叅將李全自縊死。復隨父大貝勒代善進兵大同。攻懷仁縣。八月。畧代州。獲一人。言代州西崞縣城。北面頽壞。薩哈廉夜半往襲。遂拔之。王

整堡板鎮堡二處人民聞我兵至。各潛遁。獲財物甚多。復擊敗代州騎兵步兵。追至城下乃還。九年。同墨勒根代青貝勒多爾袞及岳託貝勒豪格貝勒統兵往收察哈爾林丹汗子額爾克孔果爾額哲。途遇察哈爾汗妻囊囊太后。瑣諾木轄台吉。率部下。一千五百戶來降。遣人引還朝見。隨督兵前進。抵額哲所駐托里圖地方。招降之。兼於額哲之母蘇泰太后福金處。得歷代傳國璽。初我兵未至。有鄂爾多斯之部落濟農者。來招額哲。令遵其約束。盟畢已行。我兵追及。

羈留之。令其將察哈爾額爾克楚虎爾妻及部下官民。一切諸物在其國者。俱着送還。時岳託貝勒有疾。分兵駐守歸化。薩哈廉同多爾袞豪格兩貝勒進畧山西。自平魯衛入趨朔州。明寧武關叅將率兵來探。縱擊敗之。直抵長城。拆城夜進。破明羊房口步卒。遂毀關入畧代州。至忻州。明兵千餘從忻州出戰。擊破之。及忻口。明總督遣副將領兵七百從代州來探。我左翼兵追擊至崞縣。旋出長城。由應州赴平魯衛。敗明步騎五百。我殿後兵復掩殺明援兵三千。又殲其

臺上潰兵五百餘人。是役也。我兵大捷。俘獲人畜七萬六千二百餘。乃出邊至歸化城。與岳託貝勒會。凱旋時。

太宗親率諸貝勒大臣等遠迎之。崇德元年正月。有疾。太宗臨視再三。見其羸瘦。愀然淚下。四月。議功。擬封多

羅郡王。五月壬子。薩哈廉貝勒薨。年三十有三。薩哈廉明達政事。掌理禮部事務。凡一切

皇猷。大有贊助。前一日。薩哈廉病篤。鄭親王濟爾哈朗。豫親王多鐸。肅親王豪格。會同諸大臣。恐

聖駕臨視。遣內弘文院大學士希福。內國史院學士羅

碩。奏言。古制。此等有事故之家。人君無降座親臨之例。

聖上舉動。不宜照前。今既受尊號。正大位。宜倣古帝王之制。且當病卧之際。

聖上屢遣大臣存問不絕。聖上復親視數次。恩禮不為不隆矣。伏乞

聖裁。俯納臣等之請。嗣後此等有事故之家。悉停其親臨悲痛。

太宗諭曰。爾等所見固是。但當我國褊小之際。尚然樂則同樂。憂則同憂。今諸兄弟之子。視朕猶父。朕亦視

之猶子。子有故。父不往視可乎。今後凡未與政事。幼子及婦輩有事故者。爾等當諫止可也。於是三王及諸臣皆敬服。是日辰刻。

太宗臨視薩哈廉疾。有頃。薩哈廉薨。

太宗悲悼不已。諸王力勸乃出。稍坐。復入哭。舉酒三奠。慟益甚。禮親王代善跪請還宮。不允。入哭者四。不勝悲慟。諸王及固山額真等跪勸曰。

聖躬至此已久。卽宜還宮。至午乃還。猶不入宮。於庭中設幄座。不御飲食。代善聞之。遣昂邦章京阿山。梅勒章京圖爾格。奏言。臣已飲食矣。請

聖駕入宮。於是至戌時乃入清寧宮。輟朝三日。壬戌。祭

薩哈廉貝勒。

太宗仍親往奠酒。慟哭。追封爲和碩穎親王。賜之冊文。曰。爾薩哈廉乃吾兄之子。掌理禮部事務。贊勳典禮。宣力國家。厥勳甚茂。爰倣古制。追封爾爲和碩穎親王。俾功名垂於萬世。讀畢。復痛哭三奠。諸王及文武大臣無不泣下。於是

命和碩兄禮親王代善先歸其第。

太宗乃還宮。六月。

太宗在翔鳳閣偶寢。夢至一殿內。與禮親王代善及穎

宗亦親王薩哈廉偕坐。

太宗見穎親王。默念此人已故。朕不宜在此。遂避還盛

京。路遇儀仗左右排列。後有人追至。請曰。穎親

王乞

聖上賜牛一頭。

太宗曰。如此卽賜之。駕行不數武。忽碩託阿格。又自後

追至。奏曰。穎親王令臣求

聖上賜牛。

太宗又曰。與之。及覺。乃夢也。遂以所夢問內院大臣希

福。剛林。詹霸。胡邱等。衆對曰。

聖上思慕甚切。故有此夢。

太宗曰。不然。朕未嘗思之。此夢最爲真切。於是希福等

檢會典視之。凡親王薨。初祭時。欽賜一牛。希福

等甚奇之。奏聞。

太宗亦甚奇之。因命禮部備牛致祭。其文曰。皇帝諭祭

和碩穎親王。爾身雖歿。爾性實靈。所請太牢之禮。已

感於夢。朕察古禮。親王薨逝。初祭有用牛之例。前者

不知。故未嘗用。今旣見夢。又合古禮。朕甚奇之。特遣

大臣祀以太牢。以慰爾心。康熙十年五月。追諡曰毅。

子阿達禮。封多羅郡王。以罪誅。次子勒克德渾。

八旗通志 卷一百二十九
封順承郡王。

多羅順承郡王勒克德渾。穎親王薩哈廉次子也。其兄阿達禮原襲父郡王爵。順治元年。以謀亂。立睿王多爾袞伏誅。勒克德渾坐兄事。黜宗室籍。爲庶人。順治元年十一月。

世祖章皇帝以阿達禮謀立睿王多爾袞時。勒克德渾年幼。未諳事務。仍令入宗室籍。封多羅貝勒。二年七月。奉

命爲平南大將軍。往江南代定國大將軍豫親王多鐸。平定閩浙。是時故明唐王朱聿劍僭立福建。魯

王朱彝垓竊據浙江。僞大學士馬士英等率兵渡錢塘江。至杭州城十里立五營。勒克德渾遂遣滿漢官兵進剿。未至。敵先渡江遁去。九月。遣左翼梅勒章京朱瑪喇等。大敗馬士英於餘杭。遣右翼梅勒章京何託等。敗僞總兵方國安於富陽。斬僞副將二員。僞參將遊擊五員。及兩翼會合。回兵於杭州三十里外。突遇賊兵。復大敗之。後馬士英方國安渡錢塘江。窺杭州。守杭州。梅勒章京季什哈。總督張存仁。總兵田雄等。率官兵擊敗之。溺水死者無算。杭州紹興等處悉

平。旣而湖廣流寇一隻虎等猖獗。十一月勒克德渾奉京率兵討賊。固山額真葉臣率朱瑪喇所統擺牙喇官兵及科爾沁國官兵二百員名。烏真超哈官兵二百員名。并前駐防江寧官兵往湖廣勦一隻虎。十二月自江寧乘舟向湖廣進發。三年正月抵武昌。偵知馬王二總兵自岳州叛降偽總督何騰蛟於長沙。遂遣纛章京博洛惠等率兵追擊。遇叛賊千餘掠臨湘。盡殲之。進兵至岳州。王總兵聞風遁走。馬總兵預從水路遁去。降副將黑運昌。獲船二百餘隻。師至石首縣。聞賊渡江圍攻荊州。賊船千餘隻停泊江上。遣尚書覺羅郎邱等率兵赴南岸。俟賊渡江。捉其船隻。卽行督勦。大兵去荊州百里。旣渡江。盡夜疾馳。以二月初三日清辰抵荊州。賊竟不覺。尚爾攻城。大兵分兩翼直入賊營。大破之。斬獲甚衆。薄暮收兵。前所遣郎邱等於荊江南岸獲賊船千餘隻以歸。次日分遣奉國將軍巴布泰等兩路追勦賊兵於安遠。南漳。關王嶺。襄陽府等處。撲殺殆盡。大兵遂進彝陵。流賊李自成弟李

去。降副將黑運昌。獲船二百餘隻。師至石首縣。聞賊渡江圍攻荊州。賊船千餘隻停泊江上。遣尚書覺羅郎邱等率兵赴南岸。俟賊渡江。捉其船隻。卽行督勦。大兵去荊州百里。旣渡江。盡夜疾馳。以二月初三日清辰抵荊州。賊竟不覺。尚爾攻城。大兵分兩翼直入賊營。大破之。斬獲甚衆。薄暮收兵。前所遣郎邱等於荊江南岸獲賊船千餘隻以歸。次日分遣奉國將軍巴布泰等兩路追勦賊兵於安遠。南漳。關王嶺。襄陽府等處。撲殺殆盡。大兵遂進彝陵。流賊李自成弟李

八旗通志 卷一百二十九
三
攻。僞磁侯田見秀。僞義侯張耐。僞武陽伯李佑。僞太平伯吳汝義。及僞將三十九人。馬步賊兵五千餘名。詣軍前降。獲玉璽一顆。人口無算。荊州等處悉平。惟一隻虎遠颺未獲。捷聞。

詔旨優獎。下所司查敘。七月。班師還。

賜黃金一百兩。白金二千兩。五年九月。晉封多羅順承郡王。是年。復同定遠大將軍鄭親王濟爾哈朗。統兵往討湖廣逆賊李錦。六年。大兵自安陸府渡長沙江。聞僞總督何騰蛟等據湘潭。王率固山額真阿濟格尼堪。統八旗前鋒兵。并擺牙喇

兵爲前隊。進抵湘潭。騰蛟出三門迎戰。我兵分擊大敗之。生擒騰蛟。奪門而入。克其城。大兵遂至全州。廣西僞帥趙廉。分兵三路寇全州。王率噶喇昂邦席特庫等。擊敗之。獲馬四十餘匹。又有賊渠曹損子。在道州據永安關。王率席特庫等。潛襲之。拔其營。斬關而入。獲馬二十餘匹。賊復聚黨萬餘寇道州。又擊敗之。斬賊渠三。人生擒一人。獲馬六十餘匹。七年凱旋。

賜黃金五十兩。白金五千兩。五月。擢任議政。八年三月。世祖章皇帝特命諸王分理各部院事。以王管理刑部。

賜卹如典禮。康熙十年五月。追諡曰恭惠。勒石紀其功焉。子勒爾錦襲爵。

原襲封順承郡王勒爾錦。生有神力。視古賁育。茂如也。順治九年八月。襲父恭惠王勒克德渾。順承郡王爵。康熙十一年八月。掌宗人府事。十二年十二月。雲南逆藩吳三桂反。由貴州直犯湖廣。

聖祖仁皇帝命王為寧南靖寇大將軍。總統諸將南征。十三年正月。

賜之勅印。帥師之湖廣。時常德已陷。賊兵自蜀道直抵巴東。王恐襄陽危急。隨令都統鄂內。並每翼兩副都統率領官兵。馳赴防守。三月。吳逆偽將軍劉之復。陶繼智等。率賊萬餘。駕船七百。逼犯彝陵。於江兩岸各扎五營。王遣護軍統領額司泰等。統領滿漢官兵。前往勦禦。我軍分布水陸。奮擊。賊眾大敗。遁回宜都。是月。襄陽總兵官楊來嘉。副將洪福。叛降於吳逆。十四年六月。王疏言。逆賊逼近彝陵。兵眾船多。又於虎渡口諸處。轉運糧餉火器。宜急斷其運道。但斷水路。必須戰。

艦。今荆州祇存沙唬船四十艘。不足備用。

聖祖命安遠靖寇大將軍貝勒尚善發岳州戰船四十艘。速赴荆州。七月。吳逆偽將軍張以誠。王會。及叛鎮楊來嘉等。侵犯南漳。王給都統宜理布討逆將軍印。同副都統根特統兵往會。總督蔡毓榮。援之。旋報穀城縣失守。復給貝勒察尼靖寇將軍印。率兵前往。滿漢官兵奮力鏖戰。陣斬三千有奇。恢復穀城。九月。疏言湖廣逆賊堅立營壘。掘壕塹。設鹿角挨牌。我軍騎兵不能衝突。必設綠旗精兵七千名。造輕箭簾車二百輛。礮車

一百輛。熟鐵礮一百具。量配兵丁。推向賊營。填其壕。擲火藥以燒鹿角挨牌。用礮攻擊。相賊形勢。滿兵繼進。則逆賊可滅。地方可復。如允臣所奏。乞將此七千兵分爲援剿二營。設一副將統之。

聖祖從所請。十二月。復疏言兵力不足。請撥禁旅每佐領五名。以便渡江進剿。

聖祖以其擔延時日。不急討賊。切責之。十五年三月。王始親統大兵自荆州渡江。遣叅領卦爾察敗賊於文村。又敗之於石首。蕩寇將軍貝勒察尼敗

賊於太平街。十八年正月。聞岳州賊潰。遣署都統多莫克圖等率師前進。遂渡江。太平街虎渡口諸賊悉皆潰遁。王自統大兵渡江。次始元。遣前隊官兵分路追剿。松滋。枝江。宜都諸縣及澧州。以次恢復。叛將洪福率舟師繳偽印劄降。是月。大兵抵澧州。遣貝子準達等率領官兵進取常德。未至之先。賊縱火焚城中廬舍。并江中戰艦而遁。偽按察使陳寶鑰等迎降。大兵遂至常德府。慈利。石門。二縣。九溪。永定。二衛。偽總兵黃志功。偽巡撫李益陽等亦率眾投誠。十九年二

月。奉

旨率兵取重慶。半途返。七月具疏自劾。請解大將軍任。發往沅州軍前効力。

聖祖命携大將軍勅印。率所部護衛各官。王府佐領兵。

同沅州官兵還京。十一月議其罪。以帥師討賊。

不速扼要。坐失事機。削去郡王。羈禁。以其子勒

爾貝襲爵。累傳至布穆巴。以罪革。康熙五十四

年五月。以勒爾錦弟諾羅布襲順承郡王爵。五

十六年二月薨。諡曰忠。子錫保襲順承郡王爵。

多羅謙郡王瓦克達。禮親王代善第四子。天聰

元年。隨

太宗文皇帝擊明寧遠兵。大敗之。殺其士卒甚衆。瓦克達亦以力戰被創。崇德五年。隨睿親王多爾袞征明。圍錦州。敵兵出城刈草。瓦克達越纛章京布顏軍。往擊敗之。七年。大兵三圍錦州。明經畧洪承疇率騎兵來奪我紅衣礮。瓦克達同輔國公滿達海奮擊却敵。會天雨接戰。復敗之。又擊洪承疇三營步兵。瓦克達馳馬而前。敵衆莫敢當其鋒。我壯尼大費雅思哈失馬。瓦克達與之累騎而出。甲喇章京哈寧阿被創墜馬。瓦克達

京

返戰。直入敵陣。挈之以歸。順治元年。隨睿王多爾袞入山海關。破流寇。又追至慶都縣。敗之。二年。流寇南遁。瓦克達隨英親王阿濟格追至湖廣承天府。與鰲拜巴圖魯進戰。賊衆乘船驚走。瓦克達率師渡水登岸射賊。大敗之。取其船。先是瓦克達以兄子阿達禮獲罪。牽連黜宗室籍。至是敘功。授三等鎮國將軍。是年。蘇尼特部落騰機思等各率所部叛奔喀爾喀。瓦克達隨揚威大將軍豫親王多鐸往討。至烏里雅蘇台河。同吳拜領兵一千擊之。殺喀爾喀布顏圖台吉

等十一人。又於布爾哈圖山招撫喀爾喀族人二十五名。斬七十七人。又擊土謝圖汗。碩雷汗兵俱敗之。四年。凱還議敘。加封鎮國公。五年。率師赴英親王阿濟格軍前。駐防大同。適大同總兵姜瓖叛。陷朔州。寧武等處。瓦克達同弟滿達海統兵往征之。六年。復朔州馬邑。降寧武關。靜樂縣。寧化等所。山寨悉平。是年冬。滿達海分兵還

京。以瓦克達為征西大將軍。勦撫山西。七年二月。疏報平定。潞安。平陽。澤州。偽總兵申亥。郭中傑

魏閔各率餘黨歸順。明大學士李建泰初已投誠。至是復同姜瓖叛。據太平縣。我兵圍之二十餘日。勢迫出降。三月。又疏報平陽府屬三十六州縣皆平定。四月。班師。八年二月。晉封多羅謙郡王。三月。

命管理工部事。六月。隨。世祖章皇帝駕幸南苑。賜鞍馬一匹。十月。擢任議政。九

年四月。罷議政。八月薨。年四十七。康熙十年五月。追諡曰襄。初征山西時。平陽府之民感其恩。建祠致祭。曰多羅王廟。

輔國公馬瞻禮親王代善第六子。天聰九年五月。大兵征明山西。馬瞻奉

命隨額爾克楚虎爾貝勒多鐸帥師入明寧錦地界。遙

望立營。使彼望見我軍。以遲明人救援山西之

兵。崇德元年。封輔國公。隨武英郡王阿濟格。饒

餘貝勒阿巴泰往征明。克十二城而還。三年。隨

揚威大將軍貝勒岳託征明。由北京至山東。所

至有功。尋卒於軍。四年四月己亥喪還。與兄岳

託觀俱至。

盛京。

太宗文皇帝下馬哭之慟。壬寅。

遣固山額真以下及大臣等詣馬瞻喪次奠酒。

賜銀二千兩。馬一匹。駝一隻。

太祖宮中。號和碩貝勒。天命十一年十月。從大貝勒代善。征蒙古喀爾喀扎魯特。獲巴克貝勒等有功。天聰元年正月。從大貝勒阿敏。征朝鮮。及明島帥毛文龍。屢戰皆捷。朝鮮遣使來議和。阿敏獨欲趨朝鮮王京。吹角進兵。時岳託貝勒亦在軍中。覘其狀不可止。還本營。邀濟爾哈朗議。濟爾哈朗曰。吾觀情形。不可深入。聞去此三十里有平山城者。可往彼駐兵。以待議和。遂引軍至平山駐營。於是朝鮮使者至。宴之。與之定議。朝鮮

聽命。而阿敏猶進兵。濟爾哈朗因與阿濟格。岳託。兩貝勒議。徑遣人令朝鮮王定盟。盟後。再以告阿敏。遂肅伍以歸。五月。

太宗文皇帝率諸貝勒將士。征明。至寧遠舊邊。明寧遠巡撫袁崇煥。調兵來援。濟爾哈朗率偏師往衛塔山。運糧卒前軍八十人。猝與明兵二萬人遇。奮擊敗之。明兵盡棄馬匹甲仗遁去。於是

太宗親統貝勒諸將。擊明寧遠兵。濟爾哈朗被創不退。奮擊大敗其衆。二年五月。奉命率師征蒙古。取顧特塔布囊以歸。獲人口駝馬牛羊

率師一萬計。三年九月，與德格類、岳託、阿濟格、諸貝勒
宗賚還。十月，諸貝勒等與濟爾哈朗、岳託、貝勒奉
命分兵攻大安口，毀其水門，乘夜進兵。明馬欄營參將

太宗親統大兵伐明。濟爾哈朗與岳託、貝勒奉
命分兵攻大安口，毀其水門，乘夜進兵。明馬欄營參將
引軍來援。前哨兵馳至大安口，與我軍前鋒遇。
整兵以待。濟爾哈朗遂分兵往擊，大敗其眾。追
至馬欄營，盡殲之。旋見明二營騎兵自遵化來
援，鳴角擊鼓，立樹林間。濟爾哈朗率兵偕岳託
宗文一戰，擊走之。比明見明兵立二營於山上，岳託

進擊，又敗之。我師連勝，因行拜

天禮甫畢，又一營敵兵至。我師未及成列，隨各分兵進
擊，又敗之。是日共敗敵兵五次。馬欄營、馬欄口、
大安口、三城俱下。馬欄營參將初敗走山中，至
是聞城破亦來降，遂引軍趨石門。明兵先聞礮
聲，以為蒙古兵至，倉皇來援，悉就殲焉。城中兵
知我師至，震懾不敢復出。十一月朔，引軍會

太宗大兵於遵化城。十二月，與阿巴泰、阿濟格、杜度、薩
哈廉、諸貝勒及總兵官楊古利、額駙等率師三
千人往畧明通州等處，焚其船隻，遂攻張家灣

八旗通志 卷一百三十一
四
克之。四年正月奉

命與貝勒阿巴泰率官八員兵五百人追叛臣劉興祚。興祚方引兵趨山海關。濟爾哈朗乘其後陣斬興祚。生得其弟興賢以獻。大兵向北京進發。濟爾哈朗奉

命與薩哈廉貝勒統兵一萬駐守永平。察倉庫閱士卒。擢明道員白養粹爲巡撫。廢員孟喬芳楊文魁爲副將。其本城汛兵皆給馬匹甲仗。令喬芳文魁統之。所獲他處援兵並留其甲仗縱遣之。又以書招永平所屬州縣營汛。於是臺頭營副將

王維城鞍山堡千戶錢奇志遷安縣知縣朱雲台灤州守備李繼全州同張文秀建昌叅將馬光遠皆相繼降附。二月。

太宗班師。三月遣大貝勒阿敏來代。遂還瀋陽。五年七月初設六部。濟爾哈朗管刑部事。是月大兵征明。進圍大凌河城。濟爾哈朗率師爲後繼。明人有出城刈禾者。遣麾下兵擊之。斬十五人。又與額爾克楚虎爾貝勒多鐸遮敵路。獲百十四人。六年五月與岳託德格類薩哈廉諸貝勒率右翼兵二萬人往畧歸化城及黃河等處。七年五

月。與阿濟格。杜度。二貝勒。往迎明降將孔有德。耿仲明。於江上。明兵及朝鮮兵來追者。遙望我軍。懾伏遁去。於是數百船兵民家口器械鎗礮等。盡運江岸。不遺一物。八年。

太宗親征察哈爾林丹汗。濟爾哈朗奉命留守。

盛京。盛京卽瀋陽。是年四月。改元崇德元年。建國號大清。改瀋陽爲

盛京。大封王公。以濟爾哈朗功多。封和碩鄭親王。

十二月。

太宗親征朝鮮。復以王留守。

盛京。三年十月。征明。王奉

命率本旗兵自前屯衛進發。十一月。引軍會

太宗大兵於中後所。攻莫龍關五里堡屯臺克之。四年

五月。率貝子公及諸將。往畧錦州松山杏山等處。與明兵九戰九敗之。先是蒙古多羅特部民蘇班代。阿巴爾代者。降明。居杏山西五里臺。至是密遣其人托克托內來言。我等二十家六十餘人。並欲降附。可急發來迎。王奉

命與豫親王多鐸。郡王阿達禮。貝勒羅洛宏。博洛等。率

與新師千五百人往迎之。瀕行。

太宗戒曰。敵見兵少。必來拒戰。可分一固山兵為前後中三隊。前隊拒戰。三隊應援。王奉

命遂行。夜過錦州城南。天未明至杏山。令托克托內潛

入臺告知。蘇班代。阿巴爾代等。携其家資牲畜

以行。及黎明。明總兵劉周智率馬步兵沿城布

列。欲來阻截。錦州總兵祖大壽見我兵少。亦令

遊擊戴明率騎兵七百人。并松山總兵吳三桂

騎兵三千人。杏山總兵劉周智兵三千人。及杏

山原駐騎兵三百人。共兵七千人。分翼列陣。進

逼我師。王與諸王貝勒等分隊衝入。身先陷陣。

大敗之。追奔至城下。乃還。獲明副將楊倫周。延

州叅將李得位。斬之。敵人有兩營兵未動者。王

遣護衛軍及郡王阿達禮。貝勒羅洛宏之護衛

軍往擊之。明兵亦潰遁。師至錦州。遣啟心郎額

爾克圖。詹霸奏捷。獻陣獲旗纛甲仗。

太宗特賜王及諸王貝勒等御廐良馬各一匹。六年三

月。代睿親王多爾袞等圍明錦州城。每面立八

營。繞營掘深壕。沿壕築梁口。近城設邏卒。為久

困計。於是城中蒙古諾木齊。吳巴什等皆恐。潛

遣人賫書縋城請降。刻期獻東關。明總兵祖大壽覺之。遣兵襲吳巴什等。吳巴什等亦率兵相拒。戰於外城。王與諸貝勒聞之。率兵至城下。應之。城上蒙古授繩以登我師。我師畢登。吹角於城上。明兵走入內城拒守。我師遂據外城。以城中諸蒙古送義州。收降明都司守備把總管隊等官八十八員。男子二千二百九十六名。婦女幼小三千九百十五口。四月。王聞明兵自杏山趨松山來援。遂與郡王阿達禮貝勒羅洛宏等。率右翼擺牙喇兵。及阿禮哈超哈兵。設伏於錦

州南山西岡。武英郡王阿濟格等。率左翼兵設伏於松山北嶺。令噶布什賢兵往致明師。敵至。兩伏夾擊之。噶布什賢兵返攻。右翼兵乘其後。明兵遂大敗。斬首一百七十。獲馬一百十六匹。甲七十六副。俘獲人四千三百七十四口。五月。明軍門洪承疇率總兵六員兵六萬人救錦州。屯松山北岡。我師擊之。斬首二千。六月。睿郡王多爾袞。肅郡王豪格等。率師來代。王聞明關內援兵自松山趨海口。復與睿郡王多爾袞等。分左翼兵向松山之東。右翼兵向松山之西。夾擊

之。追至松山城壕。獲馬五十餘匹。八月。明洪承疇等率兵十三萬人救錦州。王留守來奔。王聞。關內

太宗親統大兵往征之。復以王留守來奔。王聞。關內

盛京。九月。睿郡王多爾袞等來代守。復奉睿郡王

命往圍錦州。十一月。明松山城內洪承疇出兵六千人

來戰。夜犯正紅正黃二旗營。王令我兵各依

汛地。沿壕射之。遂敗去。陣斬四百二十四人。會

松山城門閉。敵敗兵不得入。招降二千餘人。敵

從杏山宵遁者。為伏兵所殺。又五百七十四人。

七年二月。與睿郡王多爾袞等攻錦州。克之。四

月。與睿郡王多爾袞等率兵攻塔山。以紅衣礮

克其城。殲城中兵七千人。又與睿郡王多爾袞

及饒餘貝勒阿巴泰等攻杏山。以紅衣礮擊其

城。城中恟懼。開門降。獲男子二千五百七十六

名。婦女幼小四千二百六十二口。甲二千七百

四十六副。紅衣礮鳥鎗八百六十有三。八年八

月。克其城。博覽其地。博覽其地。博覽其地。博覽其地。

世祖章皇帝嗣位。以王與睿親王多爾袞輔理國政。九

月。與武英郡王阿濟格攻明寧遠。抵中後所。移

軍城北。填壕塹。以雲梯挨牌及紅衣礮急攻之。

拔其城。斬遊擊吳良弼。都司王國安等二十餘員。馬步兵四千五百級。獲四千餘人。遂自寧遠衛進兵。抵前屯衛。運挨牌雲梯紅衣礮於城西。攻之。十月朔。拔其城。斬明總兵李賦明。袁尚仁。及副將參將等三十餘員。兵四千餘級。獲二千餘人。中前所總兵黃色。聞前屯衛陷。我兵至。遂棄城遁去。追敗之。併拔中前所。獲一千餘人。乃統軍自寧遠還。順治元年。加封信義輔政叔王。五年三月。緣事降郡王。閏四月。復親王爵。九月。奉

命爲定遠大將軍。統兵討湖廣賊李錦。十月。至山東。聞曹縣爲賊所據。移師往勦。拔其城。獲賊渠李名讓。張學允等。送

京師。六年。兵至湖廣安陸府。旋至長沙。令順承郡王勒克德渾。固山額真阿濟格。尼堪。統八旗噶布什賢兵。并擺牙喇爲前哨。趨湘潭。自率諸軍爲後繼。前哨兵抵湘潭。賊出三門迎戰。我師分擊。大敗之。生得僞總督何騰蛟。奪門入。拔其城。又令尚書阿哈尼堪。固山額真劉之源等。趨寶慶。固山額真佟圖賴。宜拜等。趨衡州。王自統兵

趨辰州。屢戰屢捷。諸城皆克。復又遣順承郡王勒克德渾等拔道州。噶布什賢噶喇昂邦努山等拔烏撒城。署燾章京宜爾都齊等拔黎平府。湖南及貴州俱平。七年正月。振旅還。四月。論功。賜王黃金二百兩。白金二萬兩。九年二月。加封叔和碩

鄭親王。十二年二月壬戌。王上疏言。

太祖高皇帝開創之初。日與四大貝勒。五大臣。及衆台吉等。討論政務得失。諮訪兵民疾苦。使上下交孚。鮮有壅蔽。故能上合天心。下洽民志。掃靖羣雄。肇興大業。

天。心。下。洽。民。志。掃。靖。羣。雄。肇。興。大。業。

太宗文皇帝繼承大統。紹述前猷。亦時與諸王貝勒大臣講論不輟。且崇獎忠直。鼓勵英傑。錄微功。棄小過。凡下詔布令。必先講求其可以順民心。垂久遠者。然後施行。又慮武備廢弛。不忘騎射。時駕出較獵。諸王貝勒置酒讌會。以優人演劇為樂。

太宗皇帝還自獵次克勤郡王以聞。太宗皇帝勃然怒曰。我國肇興。治弓矢。繕甲兵。視將士

若赤子。故人爭効死。每戰必克。以成大業。朕常恐後世子孫。棄我國淳厚之風。沿習漢俗。即於惰淫。今汝等為此荒樂。欲為國家興隆。其可得乎。遣伯索尼。再

聖上詔大小臣工。盡言無隱。誠欲立綱陳紀。綿國祚於

無疆也。臣以爲平治天下。莫要於信詔令。順民

宗星心。前降

諭軫恤滿洲官兵疾苦。聞者無不懽忭。嗣又派令修造

乾清宮。詔令不信。何以使軍民服從。伏祈效法

太祖

太宗。不時與內外大臣。詳究政務得失。凡事必預爲商

確。然後頒之。

詔令。庶幾見諸施行。法行令信。可以紹

二聖之休烈矣。抑臣更有請者。垂休典謨。光昭令德。莫

要於設立史官。

聖主統一中原。事事以堯舜爲法。但

起居注官。尚未設立。古之聖帝明王。進君子。退小人。

順天心。合民志。措天下於太平。垂鴻名於萬世。

良於史臣有賴。今宜倣古制。特設記注官。置之

左右。凡

聖主嘉言善行。一一記載。於以垂憲萬世。傳之無窮。亦

治道之一助也。

世祖嘉其言。是年五月辛卯薨。年五十七。當病劇時。

世祖親自臨問。幸王臥室。泣下。問叔王有遺言乎。王泣對曰。臣蒙

太祖皇帝宮中撫養。

太宗皇帝信任。又蒙

聖恩寵用。受

三世深恩。未能仰答。不勝感痛。惟願以取雲貴。滅僞桂。取王。統一四海爲念。且滿洲甚少。而能破流寇。取京都。應加撫卹。

世祖聞言。慟曰。天何故不令朕叔長年耶。言已。大慟。於是王大臣等蹠勸回宮。

世祖出。復坐府門哭。良久始回。

詔上駟院費揚古。挾畫王往圖其像。留宮中。王薨後。時

時致祭。又

諭各部院勿奏事七日。葬西直門外白石橋。親王寢園。

例給銀五千兩。

特加賜五千兩。置守寢園十戶。俱兼本職奉守。十四年。

特諭於王墓道立碑紀功。文曰。朕惟國家膺圖受籙。天

降英傑以佐鴻業。勲庸旣著於生前。榮名宜彰於歿

後。故報功昭德。勒碑墓道。禮也。况屬在懿親。功高德

茂。褒崇之典。尤當隆重者乎。叔和碩鄭親王濟爾哈

一。僞官六十九。遂定湖南。至若輔佐朝政。益著勞勩。睿王忌王忠誠。罷輔政叔王。改爲和碩親王。及朕親政。復封叔和碩鄭親王。王克贊廟謨。沃心前席。其所裨益朕躬。振飭綱紀者。劬勩實多。方期益殫嘉猷。以翊太平。遽爾嬰疾。遂至屬纊。嗚呼。若王者。忠冠當時。功昭後世。可謂始終一德。生死不渝者矣。朕每切哀思。輒深痛悼。因念勲名旣載於盟府。而風烈宜表於隧阡。爰述懋功。顯揚忠義。勒諸貞珉。俾奕世垂之不朽云。十八年。

世祖上賓。乃歸其像於王府。康熙十年六月。追諡曰獻。

長子富爾敦。封世子。蚤卒。次子濟度。嗣封簡親王。自有傳。又次勒度。以順治八年閏二月封敏郡王。九年十月。擢議政王。十二年八月薨。年二十。

賜祭葬立碑如典禮。康熙十一年八月。

聖祖仁皇帝追念前徽。加諡曰簡。重勒瑱珉。用傳不朽。碑文稱其性姿英敏。品行溫良云。勒度弟巴爾堪。以順治十一年十二月。授三等輔國將軍。康熙七年六月。緣事降二等奉國將軍。八年七月。事白。復三等輔國將軍。十三年。任副都統。兼議

八旗通志 卷一百三十一
政大臣。是年逆藩耿精忠反。其黨犯江南徽州府。巴爾堪奉

命同江寧將軍額楚往援。九月。至績溪縣。遇賊萬餘。擊敗之。斬三千餘人。克復縣城。又敗賊數千於黟縣。復徽州府。至董亭橋。遇五千餘賊。據橋列陣。遣官兵等擊敗其衆。同將軍額楚追之。掩殺殆盡。賊復以二千餘人來犯。巴爾堪親率官兵擊敗之。又擊休寧縣所屬奇台嶺土賊四千餘。追擊十數里。偽羅都督率兵三千餘。營於新嶺。巴爾堪進擊大破之。斬首五百餘級。復婺源縣。進

至江西。饒州府樂平縣地方。有賊八千餘人拒敵。又擊敗之。追擊二十餘里。斬首二千餘級。遂復樂平。又敗賊兵於集鳳山。復饒州府。盡斬賊潰兵。獲船三隻。偽陳都督率賊五千餘人。乘船三百餘隻拒敵。巴爾堪與戰破之。獲船十餘隻。萬年縣石頭衛地方。有偽帥吳都督率賊四萬餘。水陸來犯。巴爾堪與額楚率我兵兩路並進。破賊五十七營。獲船二百餘隻。復萬年縣。遂進攻安仁縣。有偽王都督率兵八千餘。乘船五百餘隻拒戰。復大破之。賊棄礮走。我師追擊。適遇

大風賊船不能前。卽以賊所棄之礮擊之。賊焚船遁。溺死者甚衆。遂復安仁縣。又敗賊於南頓山。至廣信府弋陽縣。有僞總兵姜德洪。率兵五萬餘。據西崗橋拒敵。又有僞叅將郭昇。率五千餘賊。自廣信府至。巴爾堪同將軍額楚。仍分兵兩路進擊。大破之。復弋陽縣。隨統兵至貴溪縣地方。僞將軍朱天錫。以四千餘人來奪我糧船。卽同將軍額楚。擊敗其衆。斬千餘人。至永豐縣地方。有賊五千餘人拒戰。巴爾堪親率官兵擊敗之。斬千餘人。復縣城。又親率兵破賊於玉山

縣。斬二千餘人。生擒千餘人。復玉山縣。聞鉛山縣賊兵五百餘人。侵擾百姓。遣官兵擊敗之。進至浙江地方。江山常山二縣。有八千餘賊。分兩路來攻玉山縣。巴爾堪分遣官兵迎戰。破之。斬賊二千餘級。生擒二百人。捷奏至。

聞。

聖祖仁皇帝遣一等親隨侍衛關保。至軍前慰勞之。且賜佩刀一口。旋隨揚威大將軍簡親王喇布。往征吉安。與逆藩吳三桂。僞將軍韓大任。戰於螺子山。失利。革爵。仍着隨營効力。進征蓮花山。首先衝入。

敵陣奮力搏擊。手被箭傷。所乘馬亦被創。易馬
又衝入。因得頭等功牌。賞銀六十兩。傷痕發甚。
劇語。都統額和納。副都統甘都海等曰。吾身為
宗室。不得身死陣前。不幸卧床而死。此創發耳。
豈敢以陣亡冒功。勿令我家人混行報部。尋卒
於軍事平。大兵凱旋。巴爾堪喪至。

聖祖差內大臣宗室輝塞同侍衛十八往奠之。
特贈輔國將軍。雍正元年正月。
特恩追封輔國公。准世襲罔替。百世。官其輩。頌之。
諭祭一次。諡武襄。

賜銀立碑墓道。碑文稱其素嫻韜畧。屢著忠勤。為軍士
之前驅。置身鋒鏑。奮行間之壯氣。効力疆場。既勇敢
之可風。復成勞之未泯。特沛彝章。易名賜卹云。子巴
賽。康熙二十一年四月。授奉國將軍。尋任副都
統。三十八年。緣事降三等侍衛。旋革職。四十年。
復由佐領累陞至正黃旗滿洲都統。五十七年。
七月。署理寧古塔將軍事。六十一年十二月。實
授將軍。雍正元年正月。以父巴爾堪舊勞。追封
輔國公。

特命巴賽襲父公爵。四年六月。授揚威將軍。前往阿爾

八旗通志 卷一百三十一
泰軍營。七年五月來京。而準噶爾賊逆孽噶爾丹側楞者。復猖獗。稱兵犯順。九年六月。巴賽以副將軍。同靖邊大將軍公傅爾丹。與賊遇於和通胡爾哈諾爾地方。奮勇擊賊陣亡。事

聞議卹。諡曰襄愍。以其子輔國將軍奇通阿襲公爵。

和碩簡親王濟度。和碩鄭親王濟爾哈朗之次子也。順治八年閏二月。封爲多羅簡郡王。是年兄世子富爾敦薨。九月。封濟度爲世子。九年十月。擢任議政。十一年十二月。授定遠大將軍。率同貝勒巴爾楚渾。貝子吳達海。固山額直噶達

洪。統兵征福建海寇鄭成功。

賜之勅曰。茲以逆賊鄭成功。潛據海島。不遵王化。擾害

福建泉州等府地方。特命世子濟度。充定遠大將軍。

統率大兵征勦。凡事與多羅貝勒巴爾楚渾。固山貝

子吳達海。固山額直噶達洪等。同心協謀而行。毋謂

自知。不聽人言。毋謂兵強。輕視逆寇。仍嚴偵探。毋致

疎虞。抗拒不順者。戮之。傾心歸順者。撫之。總以安民

爲首務。嚴禁兵將。申明紀律。不得擅取歸順良民一

物。務體朕定亂安民至意。賊如登岸。相機勦撫。如在

海內。則駐劄要地。馳奏。凡有調發。不可令固山額直

噶達洪離爾左右。其閩省官兵及新調三鎮官兵聽爾調用。其行間將領功績及重罪俱察實紀明彙奏。各官有犯小過者當卽處分。至於十人長分得撥什庫以下無論大小罪過俱與諸將商酌而行。徑行處分。爾受茲重任宜殫忠竭力。早奏膚功。欽哉。十二年兵至福建。海寇遠颺。十三年七月。奏報僞總兵黃梧副將蘇朋鄭純等謀殺僞總兵華棟等部。兵四百餘名。以海澄縣降。隨遣梅勒章京翁愛等入城安撫。計降文武大小僞官八十六員。兵一千七百名。十四年正月。奏報梅勒章京覺羅

阿克善以烏龍江難渡。率師沿江由山僻往福建。聞逆賊在福州府屬高齊陸路。遂先發褚庫巴圖魯巴度進勦。遇賊千餘。擊敗之。斬首二百級。又令署纛章京巴克圖率官兵往侯官縣進勦。遇賊千餘。擊敗之。斬首百餘級。阿克善至福州。賊艘二百餘隻泊高齊境烏龍江。阿克善等率兵由水路。夸蘭大星鼐等率兵由陸路齊進。擊敗之。追至大漳河口。斬僞都督總兵及僞都司二員。獲大小船十四隻。船內軍器悉獲無遺。又聞泉州府大營地方有賊千餘。隨令纛

章京穆成格。夸蘭大馬喇等。率兵往擊敗之。斬首七百餘級。又聞惠安縣海港內。封渭沙。格黃齊等三村。賊衆盤踞。隨令纛章京覺羅雅布蘭等往勦。斬僞官二員。賊一千七百餘級。獲大小船五百九十餘隻。盡燬之。又聞衛套地方。泊有賊船。隨令夸蘭大大雅等往勦。陣斬賊衆。燬船十七隻。又聞安鎮對岸梅花碾石二村。潛匿賊衆。隨令梅勒章京阿玉錫等往勦。斬賊四百餘級。燬賊船八隻。又遣委署章京肫退等往烏龍江渡口偵探。遇賊擊敗之。燬船十七隻。又遣署

纛章京石漢巴圖魯。固山大拜珠護。夸蘭大霍忒等。率滿洲兵與中路總兵官楊捷。酌留兵馬。進取漳浦縣海島內銅山所。值風作。後軍難渡。雲霄鎮叅將張韜。兵甫欲登舟。賊衆突犯。韜同千總一員。把總二員。兵六十餘名。戰歿於陣。先後投誠僞都督總兵一員。副將五員。叅將八員。遊擊二員。都司四員。守備三員。千總七員。把總八員。散官六員。文職二員。旗鼓中軍一員。擦官四員。義將一員。大小官共五十二員。兵三千二十六名。原任同安副將楊啟智。先因城陷投賊。

今率把總一員。兵三十名。并繳偽總兵關防一顆來降。原任舟山中軍遊擊杜茂祜。亦以昔年舟山失守順賊。今率都司一員。守備二員。把總五員。兵七十八名。并繳偽副總兵關防一顆來降。海氛既遠。遂以是年四月。班師還京。獻俘飲至。

世祖復親臨藩邸慰勞。五月。襲親王爵。仍原封號曰簡。十七年七月甲寅薨。年二十八。諡曰純。十八年二月。子德塞襲親王爵。嗣後並仍簡號。康熙九年三月。德塞薨。諡曰慧。無嗣。以德塞弟喇布襲

爵。

原封簡親王喇布。初以康熙七年正月。封三等輔國將軍。九年三月。其兄簡親王德塞薨。九月。喇布襲簡親王爵。十二年十二月。逆藩吳三桂據雲南反。十三年九月。

聖祖仁皇帝念江南爲天下要地。特授簡親王喇布爲揚威大將軍。帥師之江南。令其統轄將軍阿密達兵。及江南滿洲蒙古漢軍。相機調度。保固全省。是年三月。逆藩耿精忠亦據福建反。

聖祖命安親王岳樂。由江西進勦吳耿二逆。十四年九

命安親王岳樂乘冬月速取長沙。大兵進長沙後，恐諸賊乘間竊發，江西危殆。遂令王率江南兵二千赴江西鎮守。會耿逆賊兵圍困東鄉縣，王遣夸蘭大索倫遊擊牛鳳翔等擊之，大敗賊衆，斬逆賊朱三。十五年七月，遣滿漢官兵進取金谿。時耿逆僞都督楊益茂盤踞縣城，倚山立二十餘營。大兵奮力進攻，破其木寨，直抵山下，陣斬三千餘級。賊兵敗走，恢復縣城。又有逆賊楊彪萬勝等竊據萬年縣，肆行劫掠。十月，遣夸蘭大吳

達禪遊擊陳其善等分率官兵相機堵剿。屢敗賊衆於五都馮家山等處，陣斬無算。賊首齊瓜郎窮蹙奔遁弋陽大山，生擒僞都司等官，招撫僞官一百三十餘員，兵丁九千五百餘名，救出難民二萬餘口。十六年，招撫江西各屬僞官一千九百餘員，兵丁家口三萬七千四百餘名。十六年正月，疏報江寧將軍額楚等與吳逆僞將軍韓大任戰於吉安螺子山，屢失利，請調南昌

旨遣官勘問。十七年九月，疏言茶陵攸縣水路俱通，衡

兵奉

聖祖從其請。十八年二月。王遣前鋒統領希佛等進取
 衡州。夜半抵城下。署前鋒叅領戴屯等奪門入
 城。吳逆偽帥吳國貴。夏國相等驚遁。恢復府城。
 三月。招降偽總兵卓英。及偽官八員。兵丁四千
 名。遣夸蘭大阿進泰。率滿漢官兵。恢復祁陽縣
 城。又遣署副都統雅哈拉等。進取耒陽縣。調提
 督趙賴。統標下官兵。前往夾攻。賊眾敗遁。恢復
 縣城。四月。偽副總兵周嘉貞。率偽文武官六十
 一員。兵丁九千三百四十餘名。家眷六千五百

餘名投誠。八月。遣征南將軍穆占。克復新寧縣。
 是月。疏言。臣探得安親王大兵。已克武岡。賊寇
 敗遁。臣統兵駐劄東安縣。以將軍印信給與都
 統穆占。令其率兵駐新寧候。

日。

聖祖責其頓兵新寧。以致軍機大悞。俟回師日。察議。令

其速率兵士。往會安親王。平定靖州沅州諸處。
 十月。疏報招撫偽副將張朝貴等七十一員。發
 與偏沅巡撫張朝珍安插。十九年正月。昭義將
 軍伯馬承蔭。標兵以糧匱鼓噪。王即撥餉給之。

人旗通志 卷一百三十一
兵遂寧戢。未幾承蔭復叛降吳逆。王與鎮南將軍莽依圖總督金光祖等率滿漢官兵分路進剿。敗賊於武宣。恢復縣城。莽依圖敗賊於陶屯。乘勝前進。遂定象州。王率兵至雒容縣。卽進取柳州。馬承蔭率文武官弁六百六十餘員。兵七千三百餘名。復來降。柳州平。十月。吳逆僞將軍饒一龍等亦率文武僞官三十九員。兵五百三十八名。來降。獻慶遠府城。二十年。雲南平。王振旅還。

京二十一年十二月。兵部追議王從前在吉安螺

子山失利罪。以喇布身爲大將軍。征勦江西。不
知預爲調度。致螺子山等處失利。削去王爵。二
十二年三月。以喇布弟三等輔國將軍雅布襲
親王爵。二十九年。厄魯特噶爾丹叛。雅布副
安北大將軍恭親王常寧出喜峯口往征。旋奉
命趨赴撫遠。大將軍裕親王福全軍前。叅贊軍務。敗噶

爾丹於烏闌布通。十一月。還
京。三十五年。復從
聖祖征厄魯特。由中路進兵。噶爾丹遁。始還。四十年十

祭葬。月巳已薨。

賜祭葬。諡曰修。立碑墓道。文曰。朕惟大雅之詩曰。文王
孫子。本支百世。則凡在宗支。其始有勲勞於國家。亦
望其子孫克繼克承。率乃祖考之攸行。以保世久遠。
厥惟休哉。惟王屬在懿親。著有令譽。自乃祖功在社
稷。書於盟府。乃父亦惟克食舊德。以及於王。亶謙冲
之茂質。凜夙夜之小心。殫力公家。不營邸第之事。束
身禮度。別無嗜好之私。加以教誡撫循。風行所部。興
起人才於有用之地。整練武備於無事之時。惟旌旗
壁壘之常新。覺星文羽林之增煥。方謂作我屏輔。永
賴親賢。豈期疾疢忽侵。溘先朝露。朕震悼輟朝。飭終
備禮。諸孤撫視。更愴於懷。嗚呼。受封將二十年。持身
無毫髮過。輸忠於我王室。追孝於前文人。宗支若斯。
可以百世。幽扃旣閉。懿德宜昭。用宣寵章。勒諸貞石。
俾永有憲於後祀云。

孫子本支存世則凡在宗支其...
 至其子孫克繼克承...
 厥惟休養惟正...
 厥善於盟...
 之...
 甲辰...
 西...
 無...
 滿...

八旗通志初集卷之一百三十一

宗室王公列傳三

肅親王豪格

子顯親王福壽

溫郡王猛

孫顯親王丹臻

溫郡王佛

永輝

奉國將軍吳禮

鑲白旗和碩肅親王豪格。

太宗文皇帝長子。生而英毅。多智略。初從征蒙古董夔察哈爾鄂爾多斯等國。屢立軍功。封為貝勒。天命十一年十月。奉

命同大貝勒代善等。率精兵萬人。往征蒙古喀爾喀札魯特部落。所向皆捷。斬吳爾寨圖貝勒。擒巴克貝勒。及其二子。又喇什希布代青桑噶爾寨等十四貝勒俱就擒。其子女人民牲畜。俘獲無遺。天聰元年五月。

太宗親率諸貝勒將士。征明。至廣寧舊邊。分兵三隊。

命豪格貝勒等率擺牙喇精騎在前。有明兵二萬。與豪格前軍八十人遇。擊敗之。盡棄馬匹甲冑。分路而逃。三年九月。復從。

太宗征明。辛丑。大兵逼北京。有寧遠巡撫袁崇煥。錦州總兵祖大壽等。以兵來援。豪格奉

旨。領白甲擺牙喇兵及蒙古兵二千迎擊。袁崇煥祖大壽兵二萬。屯廣渠門外。於右偏伏兵甚衆。豪格卽趨右偏。敗其伏兵。追殺至城壕。丁丑。同岳託薩哈廉。二貝勒。率精兵四千前行往圍永平。併克香河縣。四年春正月。奉

命與岳託貝勒。率官四十員。兵一千。往瀋陽更替留守兵。五年二月。與濟爾哈朗貝勒。收取碩特塔布囊部落。秋七月己亥。

太宗率諸貝勒將帥及大軍西征。豪格奉命與杜度薩哈廉。二貝勒。留守都城。六年六月。晉封和碩貝勒。七年六月。有

詔令羣臣言事。豪格奏言錦州寧遠。攻之無益。蓋我國攻城之法。彼盡知之。况我兵先曾攻之而未得。若復令攻之。必有畏難之意。雖得錦州。此外七城。尚煩攻取。若徒得一城。其餘亦未肯歸服。當

思一不勞而得之法可也。今盡率我兵及邊外
新舊蒙古兵。從舊道而入。各處縱火攻略。爲書
頒示各屯寨。告以我願和而彼不肯和之意。仍
傳諭各城。則彼處人民必皆自思云。彼兵強盛。
尚欲議和。我兵懦弱。反不欲和。而坐視生民塗
炭。必自怨其主。於我無尤矣。雖馬匹多斃。卽以
所獲之貲買馬。其餘用以製衣。則嗣後進兵。人
人願往。誰肯安坐。如此去而速返。俟秣馬肥壯。
稍益以舊漢兵。攜紅衣礮。分兵兩路。一從寧遠
入。一從舊路入。夾攻山海關。得之則已。不得則

屯兵彼地。遣人往招流賊。不然進攻通州。毋論
得與不得。姑久駐其地。如流賊仍在。則遣人往
探之。我行日久。乘夜襲人之計。不可不講。彼縱
嚴爲夜防。不比白晝。宜乘時急圖。若失此機會。
必將後悔。至於朝鮮。且暫行撫慰。俟我與敵國
勝負既定。再區處之。察哈爾若離興安嶺二三
日程。雖追無及。若近。則相機而行可也。八月壬
戌。遂奉

命與阿巴泰貝勒等。率一等公楊古利。統兵二千名。往
略明山海關一帶。九月。大獲而還。八年七月。

太宗將由上方堡入明邊。攻略宣府朔州一帶。

命豪格率超品公楊古利等。先往上方堡拆毀邊牆。攻

臺捉生。壬辰黎明。大兵將行。奏邊牆已毀。於是

大兵入上方堡。分道而進。閏八月。奉

命同多爾袞等貝勒。率科爾沁國為首諸貝勒。四旗每

牛彖擺牙喇兵二名。及四旗噶布什賢兵。往攻

大同。見城南有明兵立營。因擊敗之。追及城壕

而回。獲馬百匹。九年二月。奉

命與和碩墨爾根代青貝勒多爾袞。岳託貝勒。薩哈廉

貝勒。為統兵元帥。率擺牙喇阿禮哈超哈每甲

喇官各一員。精兵一萬。往收察哈爾林丹汗之

子額爾克孔果爾額哲。

太宗親率出師。諸貝勒將帥謁

堂子。送至演武場。授以方略。五月。遣禮部啟心郎祁克

格等。齎疏奏報。收服察哈爾汗子額爾克孔果

爾額哲捷音。初。豪格與諸貝勒率大兵至西喇

朱爾格地方。遇察哈爾汗妻囊囊太后。瑣諾木

轄台吉。率部下。一千五百戶來降。入見諸貝勒

設宴。宴畢。遂遣溫泰等引見

太宗。豪格等仍率兵前進。至黃河。造船渡河。抵察哈爾

汗子額哲所駐托里圖地方。天霧昏黑。額哲國中無備。豪格與諸貝勒等。恐其驚覺。勒兵不動。遣葉赫國金塔什貝勒之孫南楮。及其族叔祖阿什達爾漢。併哈爾松阿代袞。先往見其姊蘇泰太后。及子額哲。告以滿洲諸貝勒奉

命統大兵來招爾等。秋毫不犯。南楮等急馳至蘇泰太后營。蘇泰太后大驚。慟哭而出。與其弟抱見。遂令其子額哲。率眾寨桑出迎。於是豪格與諸貝勒。命列旗纛。鳴畫角鼓吹以進。率額哲拜

天畢。以次與額哲交拜抱見。遂至蘇泰太后營。蘇泰太

后迎入宴之。豪格與諸貝勒。恐額爾克孔果爾額哲。及其羣臣生疑。乃誓告

天地。次日額哲部下羣臣。率其部民一千戶歸降。時有

鄂爾多斯部落濟農。來招額哲。令遵其約束。與之盟誓。已行矣。我前軍阿什達爾漢等。聞而追及之。濟農來見。豪格與諸貝勒。察其有異志。遂羈留之。因謂濟農曰。凡察哈爾有遺物在爾國者。當盡數送來。不然。我兵即前進矣。又謂察哈

爾諸臣曰。鄂爾多斯凡有爾國遺物。皆具數報來。眾以數開報。隨遣人賫往鄂爾多斯部落。於

是以察哈爾額爾克楚虎爾妻及其部下臣民千餘戶。併一切遺物。俱送至軍。豪格等乃遣祁克格復賫疏奏。

聞是役也。併獲歷代傳國玉璽。其璽初傳自元朝諸帝。至順帝。爲明洪武帝所敗。遂棄都城。携璽逃至沙漠。後崩於應昌府。璽遂失。越二百餘年。有牧羊者於山岡下。見一山羊。三日不食草。但以蹄掘地。牧者發之。遂得此璽。歸於大元後裔博碩克圖汗。後爲察哈爾林丹汗所侵。國破。璽復歸於林丹汗。亦元裔也。豪格與諸貝勒聞璽在蘇

秦太后福金所。遂索之。旣得。視其文。乃漢篆制誥之寶四字。以二交龍爲紐。實至寶也。豪格與諸貝勒咸喜曰。

聖主洪福。故獲

天賜。遂收其寶。携降民渡黃河。至歸化城。時岳託貝勒有疾。分兵一千駐守察哈爾降民。豪格與二貝勒率領衆兵。携察哈爾汗子額爾克孔果爾額哲。及其大臣。往略明山西一帶。自平魯衛入。遇明右衛兵二百敗之。由朔州前發。有寧武關。叅將率兵五十名來拒。殺十餘人。叅將中傷遁走。

我兵直抵長城下。遣噶布什賢額真勞薩順科落巴圖魯往拆毀長城。勞薩乘夜前往。遇明羊房口步兵出戰。迎擊敗之。次日又敗寧武關哨卒。遂毀關入畧代州。大兵於忻州駐劄。因縱兵環畧忻州一帶。至忻口。明總督遣副將一員。從代州領兵七百。前來哨探。我左翼兵擊之。追至崞縣。乃還。出長城。自應州赴平魯衛。時衛內有馬步兵五百出城列陣。豪格與二貝勒見之。卽令右翼兵破其陣。追擊至城壕。明兵死者百餘人。隨與二貝勒率大兵出邊。計俘獲明朝人畜。奏。

七萬六千二百。旣至歸化城。與岳託貝勒會。於是與諸貝勒。以獲玉璽。及以兵入山西大同一帶。殺敵兵。俘獲財物。具疏陳奏。

太宗以豪格等諸貝勒久勞於外。兼得察哈爾汗妻子部落及玉璽。因率諸貝勒大臣等往迎。至陽石木河。崇德元年四月。

太宗建國號大清。大封諸王。豪格以軍功多。晉封和碩肅親王。兼理部務。八月。緣事降爲貝勒。解部任。十一月。仍

命統攝戶部事務。十二月。

太宗親征朝鮮。命豪格與睿親王多爾袞分統左翼滿洲三旗。蒙古三旗及外藩蒙古左翼兵。從寬甸路入。二年正月。入長山口。昌州城軍民知不能禦。皆棄城奔山寨。遣正白鑲白正藍三旗擺牙喇阿禮哈超哈攻克之。安州總兵黃州元帥率兵五百。出寧邊城來拒。仍遣親隨擺牙喇敗之於城下。又安州兵二百。亦爲轄員所敗。有寧邊城李元帥率叅將三員。遊擊四員。備禦十五員。馬兵七百。步兵三百。來戰。豪格遣蒙古固山額

真蘇納額駙等敗之。生擒李元帥。時我兵五十人。至宣屯村捉生。問村民云。元帥與黃州總兵。聞國王城被圍。率兵一萬五千往援。已去三日。是夜。卽選鑲白正藍二旗內擺牙喇阿禮哈超哈每牛录下甲士五名。蒙古兩固山每牛录下甲士五名。行一晝夜。至日出追及之。乘其未覺。遂擊敗之。九月。緣事解部任。三年十月。復同奉命大將軍睿親王多爾袞等證明。四年四月。凱旋。奏言臣等往證明國。荷

聖主威福。毀邊而入。縱橫無敵。所至之地。克城破敵。隨

以所獲馬駝金銀器皿珠寶緞匹貂皮等物俱陳列於

篤恭殿。按旗具冊進獻。

太宗酌納之。賜豪格貝勒馬二匹。銀萬兩。八月仍

命管戶部事。九月復封肅親王。十一月偕貝勒多鐸征明。有寧遠兵出北山岡來拒。王遣右翼兵擊敗之。陣斬總兵金國鳳及其二子。崇德六年三月緣事降郡王奉

命同睿郡王多爾袞率官兵一半。往代鄭親王濟爾哈朗等圍明錦州。五月報擊敗錦州松山援兵四

百二十人。斬二百四十人。獲馬十五匹。六月復奏言。山海關內援兵出松山來戰。我兩翼兵會合追殺五里。直抵敵步隊。獲馬五百七十四。八月遣詹代安泰。賫奏至。言明國令洪承疇率各省兵十三萬來拒我師。我兵敗其三營。獲馬五百五十四。但來兵實爲衆多。

太宗遂統大兵親征。戊午渡遼河。睿郡王多爾袞等遣阿都戶帕克齊奏捷至。言洪承疇兵來犯我右翼。豪格率兩紅旗。正黃旗。鑲藍旗。及外藩土謝圖親王兵擊敗之。

太宗自盛京疾馳六日。將抵松山。遣內國史院大學士剛林等往諭多爾袞。豪格等。先在高橋駐營。俟大兵至高橋。合圍松山杏山。豪格與多爾袞等奏言。臣等仰藉

天威。豈敢畏敵。但恐以臣等爲怯。不得不以奏聞。

聖駕親臨。臣等勇氣增倍。諸所不計。惟務進攻。但爲國圖功。敢陳一得。今明兵甚衆。臣等先率兵圍錦州。累經攻戰。微有損傷。如再速戰。恐力不及。頃奉

旨屯營高橋。倘敵兵爲我所迫。約錦州松山兵內外夾

攻。協力死戰。萬有一失。爲之奈何。卽欲自高橋來援。亦必待勝負少分。方可趨至。今如暫駐松山杏山之間。則臣等大有益矣。

太宗允之。復遣剛林羅碩。諭曰。朕今於松山杏山間駐營。敵人必速遁。恐不能多所斬獲也。王與貝勒大臣。遙見

儀仗及前隊旗纛。向松山杏山進發。俱踴躍大悅。明諸將見大兵環松山而營。大懼。甲子夜。明總兵吳三桂等沿海潛奔。我兵相繼追擊。乙亥。王奉

命與睿郡王多爾袞等率每牛录兵十名還守

盛京。十月與睿郡王多爾袞等圍明錦州松山杏山。松山城內明總督洪承疇出兵六千。夜犯正紅旗擺牙喇阿禮哈超哈及正黃旗庫魯克達爾漢固山營。我兵各依汛地沿壕射之。遂敗去。陣斬四百二十四人。敵兵退回松山。城門已閉。不得入。兩日間收服二千餘人。敵人從杏山宵遁者爲我伏兵所殺。凡五百七十四人。七年二月。松山副將夏承德自城內密遣人來言。爾兵丁於我守禦之處。乘夜豎梯登城。我在內接應。

相約已定。遂以左翼雲梯一架在前。八固山雲梯八架隨後。登梯軍士一一派定。夏承德以其子夏舒爲質。十八日夜子時。於城南豎梯。相繼俱登。敵方覺。我兵於城上巡邏。俟次早入城。令夏承德部卒別聚一處。其餘敵兵搜而殺之。生擒總督洪承疇。巡撫邱民仰。總兵王廷臣。曹變蛟。祖大樂。總兵白廣恩之子白良弼等。其兵道一員。副將十員。遊擊都司守備等官百餘員。兵三千六十三名。盡殺之。夏承德部下男女共一千四百二十九口。俘獲人口盔甲大小紅衣礮

鳥鎗衣物無算。四月復同鄭親王濟爾哈朗睿
郡王多爾袞率右翼官兵及兩翼擺牙喇全軍
併烏真超哈全軍載火器至塔山城列紅衣礮
於西初八日進攻至初九日午時城陷二十餘
丈我兵由攻陷處先登遂克其城城內三營官
兵七千盡殲之七月以軍功復封肅親王順治
元年四月緣事削肅親王爵十月復封肅親王
三年正月奉

命爲靖遠大將軍率同行禧郡王羅洛宏貝勒尼堪等
統官兵征四川流寇十一月至南部偵得逆賊

張獻忠列營西充縣境隨令肅章京鰲拜巴圖
魯等分領八固山兵先發親統大軍星夜兼程
繼進次日黎明抵西充張獻忠盡率馬步賊兵
拒戰王令鰲拜等奮擊大破之斬獻忠於陣復
分兵四出破賊營一百三十餘處斬首數萬級
獲馬羸一萬二千二百餘匹捷聞奉

諭旨王等指授方畧克奏膚功獻忠伏誅四川平定深
可嘉悅有功官兵察明議敘仍擇吉祭告詔赦天下

四年分兵征勦遵義夔州茂州榮昌隆昌富順
內江資陽等處斬僞王及巡撫道官總兵副將

以下官一千餘員。兵丁無算。獲馬羸一萬二千四百餘。川寇悉平。五年正月。率師凱還。

世祖章皇帝遣內大臣達爾漢諾顏往迎。二月至京。

世祖御太和殿宴勞之。尋爲睿王多爾袞構陷。薨於獄。

七年。

世祖親政。念其枉。復王爵。立碑表之。十五年九月。

賜諡曰武。復立碑文曰。國家紀功崇德。首重懿親。苟能宣力王室。著有勲勞。高爵寵祿。以光耀於生前。豐碑美諡。以流傳於歿後。典至鉅也。况有功高不賞。信反見疑者哉。和碩肅親王豪格。係

太宗文皇帝長子。朕親兄也。智畧超羣。英雄蓋世。其征蒙古。扎魯特。董夔。察哈爾。鄂爾多斯等國。及征明數次。平定朝鮮。入山海關。破流賊兵二十萬。諸功前碑載之詳矣。順治三年。率領大兵。往征四川。時兵至陝西。立解漢中府之圍。所屬州縣。盡爲恢復。攻克三寨。山張閣老崖等處山寨三座。各寨俱歸。招撫擊敗水陸馬步兵二十二次。追殺八次。招撫僞總兵副將叅遊以下官百十二員。士卒翕然就降。而陝中諸窟叛賊。掃蕩無餘。又復入川。攻克內江縣。擊破八大王張獻忠一百三十六營。遂斬張獻忠。及其僞王巡撫總

八旗通志 卷一百三十一
兵等官二千三百有奇。俘獲馬羸無算。廣宣德意。招徠文武官二百三十五員。馬步兵六千九百九十有餘。四川大定。建此奇功。宜膺上賞。睿王攝政。掩其拓疆。展土之勲。橫加幽囚。迫脅之慘。忠憤激烈。竟爾淪亡。朕念手足之誼。不勝悽愴。親政後。卽命樹立貞珉。但諡號賞賚。尚闕焉未舉。今特重敘前績。以標王之德業。闢土斥境。折衝禦侮。特諡曰武。追封爲和碩武肅親王。加以厚賚。嗚呼。朕追思痛悼。弗能自己。故表爾大功。揚爾忠義。昭朕篤親酬庸之意。勒之金石。用垂不朽云。子福壽。猛峩。順治八年二月。福壽襲父爵。

改封顯親王。康熙八年十二月薨。

賜諡曰懿。十四年。立碑墓道。文曰。古帝王庸受天命。咸賴懿親。夾輔宗社。生則大啟藩封。報功崇德。歿亦勒之金石。永垂不朽。朕丕承先業。撫綏萬邦。亦惟諸宗親共襄圖治。爾福壽。係和碩肅親王之子。推恩封爲和碩顯親王。性資端敏。克紹先猷。方冀遐齡。遽爾奄逝。在朕親誼。篤摯。旣縈一本之懷。追爾品行純良。益切維城之痛。爰稽成憲。賜諡曰懿。勒之貞珉。昭示奕世。庶表朕篤族之心。永爲藩輔。懿典云爾。子丹臻。襲爵。四十一年五月薨。

賜諡曰密。碑文稱其每存寡過之志。彌切樂善之懷云。
 康熙十三年七月薨。諡曰良。以子佛永輝襲爵。十
 七年正月薨。諡曰哀。又有吳禮者。肅親王之孫
 也。康熙元年十二月。以係輔國將軍。鄔赫納子。
 封三等奉國將軍。三十二年二月。授右衛護軍
 叅領。三十五年。大兵征勦厄魯特噶爾丹。吳禮
 隨撫遠大將軍伯費揚古。由西路進兵。奮擊敗
 賊於昭莫多地方。敘功。加一拖沙喇哈番。晉授
 二等奉國將軍。五十年十月。陞副都統。五十一

年。緣事革。

Blank columns for text on the right page.

正藍旗和碩饒餘親王阿巴泰。

太祖高皇帝子也。早從征伐。屢立戰功。封為台吉。

太祖辛亥年秋七月。奉

命與費英東札爾固齊順科洛巴圖魯率兵一千。征東

海兀集部之烏爾古宸。木倫二路。皆取之。天命

四年六月乙巳。征明。克撫順。

太祖以阿巴泰台吉女。妻明撫順降將李永芳。授永芳

總兵官。八年。蒙古喀爾喀札魯特部落昂安貝

勒執我國使者。送葉赫被殺。

太祖大怒。四月癸酉。奉

命與德格類台吉。寨桑古台吉。岳託台吉。統兵三千往征之。庚辰。乘夜疾行。明日平明。過羅地。渡遼河。縱兵急趨。有前鋒總兵戴音布者。率精銳五十人。先至厄爾格勒。知爲昂安貝勒部民。遂畧地而前。昂安攜妻子及二十餘人。引牛車而遁。戴音布引十餘騎往追。引弓射之。昂安從者乘發矢時。執小鎗迎刺戴音布。中其口。墮馬。創甚死焉。阿巴泰等引兵衝入。斬昂安及其子并從者。伏屍一處。盡獲其妻孥軍民畜產。又執鍾嫩貝勒子桑土台吉之妻及子而回。以功晉封貝勒。

天聰元年五月辛未。

太宗文皇帝聞明人於我所棄錦州。大凌河。小凌河。築城屯田。親往征之。留阿巴泰貝勒。與杜度貝勒居守。二年五月。聞明兵棄錦州。遁往寧遠。阿巴泰貝勒。與岳託貝勒。碩託貝勒。八旗固山額真。率兵三千。往畧明地。竝墮錦州城。

太宗送出征諸貝勒於十里外。授以方畧。阿巴泰貝勒。與岳託貝勒。師至中途。聞顧特塔布囊部落。自察哈爾。逃至蒙古阿喇克綽忒部落舊地居住。遇歸降我國者。輒行截殺。遣八人往覘之。得實。

因遣使以其事聞。三年十月。

太宗親統大兵伐明。乙亥。大兵次老河。

太宗集諸貝勒大臣。授計分兵。

命阿巴泰貝勒與阿濟格貝勒率左翼四旗兵。及左翼蒙古諸貝勒兵。從龍井關攻入。丁丑。前行。夜半攻克龍井關。寅時。毀水關而入。明漢兒庄副將易愛。洪山口叅將王遵臣。聞礮聲。領兵來援。我兵逆戰。敗之。易愛。王遵臣。并敵衆俱就戮。又擊斬明三屯營哨卒。至漢兒庄城外。方欲招之降。會大貝勒莽古爾泰。墨勒根代青貝勒多爾袞。

額爾克楚虎爾貝勒多鐸皆至。明副將協標官李豐。率城內民薙髮出降。大軍遂入。乘城而營。民間秋毫無犯。十一月丙申。

太宗自三河起營。行二十里。獲一漢人。訊以敵兵消息。

知大同宣府二總鎮兵。見在北邊順義縣。於是遣阿巴泰貝勒與岳託貝勒率二旗兵。及蒙古二旗兵往勦。阿巴泰貝勒與岳託貝勒分兵前進。擊敗大同滿總兵。宣府侯總兵。因敵兵速遁。未得盡殲其衆。止獲馬千餘匹。駱駝百餘隻。順義縣知縣率衆來降。辛丑。大兵起行。逼北京。

太宗營於城北土城關之東。兩翼兵營於東北。而東南隅有寧遠巡撫袁崇煥。錦州總兵祖大壽等。以兵來援。阿巴泰奉

命。同左翼大貝勒莽古爾泰。及阿濟格貝勒。墨勒根代青貝勒。多爾袞。額爾克楚虎爾貝勒。多鐸。豪格。貝勒。領白甲擺牙喇兵。及蒙古兵迎擊。

太宗駐蹕德勝門外。審視虛實。莽古爾泰等率擺牙喇兵。及蒙古兵二千往。見寧遠巡撫袁崇煥。錦州總兵祖大壽兵二萬屯沙窩門外。莽古爾泰分兵爲三隊。令纛章京等率擺牙喇兵前進。令阿

巴泰與阿濟格。多爾袞。豪格。繼進。時敵於右偏伏兵甚衆。因約我軍入隘口。比入隘口。豪格趨

右偏。敗其伏兵。追殺至城壕。餘三貝勒由正路入。擊敗敵兵。亦追殺至城壕。十二月辛酉。遣阿

巴泰貝勒。同薩哈廉貝勒。往房山祭金太祖。世宗。壬申。復遣阿巴泰。及濟爾哈朗。阿濟格。杜度。薩哈廉。諸貝勒。總兵官楊古利。額駙等。率兵三千。往畧通州一帶。焚毀船隻。遂攻張家灣。克之。丁丑。與大貝勒代善等。率擺牙喇兵。及礮手共五百名。往視薊州。盡斬山海關援兵五千餘人。

八年通志 卷一百三十一
四年春正月。大兵至永平。是夜前哨土魯什擒一人來獻。言有劉興祚者。自滿洲國逃出。從山海關與袁崇煥同來永平。

太宗遂遣阿巴泰同濟爾哈朗貝勒。率官八員。兵五百名。星夜往捕之。癸丑黎明。阿巴泰同濟爾哈朗追及劉興祚。見興祚引兵趨山海關。阿巴泰馳圍其前。濟爾哈朗追躡其後。遂陣斬興祚。生擒其弟劉興賢以歸。旋攻克永平。丙戌。

太宗率大兵向山海關進發。戊子。阿巴泰與岳託。豪格。三貝勒。率副將孟喬芳。楊文魁。遊擊楊聲遠。及

兵四百人。自永平來見。庚子。言劉興賢合回。

太宗駐蹕三屯營。阿巴泰貝勒奉命。率所屬擺牙喇。偕大海。白格。往城中分撥房舍。五年

命率所屬擺牙喇。偕大海。白格。往城中分撥房舍。五年

太宗班師。言其地恐士卒不遂。遂築以固之。

命阿巴泰貝勒同濟爾哈朗貝勒。薩哈廉貝勒。偕文臣索尼。甯完我。喀木圖。率正白鑲紅正藍三旗將士。鎮守永平。三月壬子亥刻。有敵兵自樂亭。撫寧。來攻灤州城南門。不克而退。復攻城北隅。亦不克。天未明。俱渡河去。黎明。阿巴泰。薩哈廉。兩

貝勒自永平率三旗兵往援。辰刻次灤河岸。聞明兵退。乃還永平。是年初設六部。以阿巴泰管工部事。秋七月己亥。

太宗率諸貝勒將帥征明。庚子。大兵渡遼河。丁未。兩路

兵抵大凌河。遂以是夜圍其城。戊申。

太宗下令言攻城恐士卒被傷。不若掘壕築牆以困之。

彼兵若出。我則與戰。外援若至。我則迎擊。八旗主將

分圍其城。仍各令大將策應。阿巴泰貝勒率擺牙喇

兵策應。正黃旗固山額真冷格理圍北面之兵。

是秋克大凌河。明總兵祖大壽降。乃縱令回錦

州爲內應。十月乙巳。奉

命與德格類貝勒。墨勒根代青貝勒。多爾袞。岳託。貝勒

率梅勒額真八員。官四十員。統兵四千。偕祖大

壽及所屬兵三百五十名。作潰奔狀。滿洲兵亦

著漢裝。欲以計取錦州。漏下二鼓。大凌河城內

礮聲不絕。兵夜行。會天大霧。覲面不相識。兵皆

失隊伍。因而收兵及明而還。是夜錦州聞礮聲。

以爲大凌河人得脫。分路來迎。復爲我兵所殺。

七年六月。

太宗命諸貝勒大臣各抒所見。陳奏時事。阿巴泰貝勒

奏言。明人地利。蒙

天庇佑。我等已熟識之。不可遲延。其邊城之堅瑕。

聖上亦悉知之。宜選精兵襲其邊牆。則關門可得。

聖上軍於邊外。擇諸貝勒將帥分八路馳入。駐軍內地。

若獲可用之人。送至大營。恭候

諭旨。遣入內地。則可速得彼之消息矣。又思錦州無足
過慮。我兵既入。是天時已至。令祖大壽入山海
關。可與我兵相會合也。八月壬戌。與阿濟格貝
勒。薩哈廉貝勒。豪格貝勒等。率一等公楊古利。
總兵官吳內格。每固山一額真。每甲喇一額真。

統兵二千名。往畧明山海關一帶。九月庚寅。遣

剛林。苗碩渾。奏報俘獲人馬牛驢共四千二百

一十有三。八年五月丁未。隨

太宗率大兵。證明。七月。入上方堡。由宣府攻畧朔州一

帶。定議。四路兵俱於七月初八日入邊。八月甲

子。同阿濟格貝勒。超品公楊古利。率兵往取靈

邱縣王家莊。戊辰。遣人奏報。攻拔靈邱縣。殺知

縣一員。守備一員。辛未。以所獲牲畜銀兩緞疋

衣服等物進獻。旋又攻克王家莊。閏八月庚寅

班師。崇德元年敘功。封爲饒餘貝勒。五月癸酉。

同武英郡王阿濟格等往征明。六月二十七日入邊。兩黃旗自巴顏德木地方入。兩白旗正藍旗自坤都地方入。兩紅旗鑲藍旗自大巴顏地方入。入邊之第八日。相會於延慶州。以明人先知我師期。遂皆收集入城。又我兵前番所過地方。已經殘破。故所獲無多。九月。遂直入長城。過保定府至安州。克十二城。敗敵五十六陣。俘獲人口牲畜十七萬九千八百二十。

勅諭嘉獎。賜馬二匹。又殺明遵化三屯營守備一員。山海關千總一員。百總四員。生擒百總一員。已巳

凱旋。

太宗親往迎之。是役攻克明國邊城。長驅而入。北京附近疆土。盡皆殘破。凡克城十二座。敗敵五十八陣。俘獲人畜十八萬。生擒總兵巢丕等。十二月辛未。

太宗將親統大軍往征朝鮮。命阿巴泰駐噶海城。收集邊民防敵。二年二月。鄭親王

濟爾哈朗。令壯尼大喇巴什希牙巴蘭轄。率擺牙喇五名。來會兵捉生。阿巴泰遣擺牙喇甲喇章京囊古馬克圖。噶巴喇。及噶海守臣尼堪。卦

八旗通志 卷一百三十一
爾察率擺牙喇百三十人駐守噶海。阿禮哈超哈十人共百四十人由噶海起行。夜入明境。遂至錦州義州界。獲二步卒而還。未幾。

太宗諭阿巴泰曰。爾可攜隨戍之四旗擺牙喇還。後當另遣兵代之。鎮守噶海之噶布什賢與鎮守開城之噶布什賢可合兵爲一。於大都爾鼻地方不拘前後。相其有草處駐營。駐營之地止許離都爾鼻一二十里。自噶海還時。爾可遣擺牙喇甲喇章京一員。以噶布什賢數日。造冊帶來。其應更代之噶布什賢俟休息馬匹。然後更代。又當令鎮守噶海等官勤飭農務。

不可因天氣寒冷。欲姑緩以俟和暖。必須早爲耕植。噶布什賢章京沙爾虎達。可令單騎來盛京。三年二月丁酉。

太宗親征喀爾喀。

命阿巴泰留守。

盛京併監築遼陽都爾鼻城。五月癸酉。奉

命自盛京至遼河。修治大路。兩傍濬壕。中間增土高三尺。寬十丈。八家及八旗。每牛彘出兵六十。及親附三順王下甲兵。皆赴工。阿巴泰與睿親王多爾袞董其役。九月癸未。同奉命大將軍睿親王

多爾袞等。率左翼兵。證明。十月。奏報捷音。言臣等蒙

上天眷祐。

聖主威福。自董家口東二十里外。青山關西二里許。步登山岡。由無邊牆處進兵。九月二十八日。毀其邊牆而入。青山關山峻牆堅。問土人云。青山關有兵二百防守。聞右翼兵消息。已於九月二十五日往援。因乘其無備。不傷一人。獲其邊境。我兵毀牆而進。莫敢撓鋒。青山關董家口。青山營三處人民。棄城逃走。執俘獲人問之。言青山關

東二十里榆木嶺口。有步兵二百。與董家口兵亦以右翼兵入。聞往救援。問流賊消息。云在河南等處擄掠。今年大水。禾稼半收。祖大壽及其兵馬已調往西去矣。四年四月壬子凱旋。以所獲之物。按旗具冊以獻。

太宗賜阿巴泰馬二匹。銀五千兩。九月癸酉。同武英郡王阿濟格等。率官兵往畧明錦州寧遠。五年六月乙丑。同睿親王多爾袞等。率官兵一半。往代鄭親王濟爾哈朗等。於義州築城屯田。七月乙酉。遣筆帖式碩代等。賫奏至。言錦州城西禾稼。

兩日刈畢。刈禾時。敵人馬步兵由城西北隅出。鎗礮竝施。因遣擺牙喇兵兩隊。左翼阿禮哈超哈兵一隊。共分三隊。令其從旁衝擊。我兵方進。敵兵即潰。追至城壕掩殺之。又遣擺牙喇兵伏松山大路。遇祖總兵遣二人賫書赴寧遠。擒獲之。錦州城蒙古騎卒五人。步兵一人來歸。又克錦州城西臺九座。小凌河西岸臺二座。共克臺十一座。獲人四十名。七月己酉。遣詹代安泰馬克占等報捷。言右翼阿巴泰與安平貝勒等。率兵伏寧遠路。遇敵人自關內運米千石至錦州。

殺其步卒三百九十人。獲駝二隻。馬十七匹。騾九十四頭。牛二百二十七頭。驢五十七頭。共三百九十七匹頭。八月乙亥。睿親王多爾袞。肅親王豪格。安平貝勒杜度。饒餘貝勒阿巴泰等。報捷至。奏言七月二十九日。右翼多羅安平貝勒固山貝子公等。及固山額真等。率噶布什賢擺牙喇全軍。及阿禮哈超哈兵一半。前往錦州。遇敵兵出城刈草。追斬八十六人。獲馬騾牛驢共一十三匹頭。和碩睿親王。和碩肅親王。遣左翼噶布什賢兵擺牙喇兵馳畧。獲米十五車。先被

八旗通志 卷一百三十一
安平貝勒陣斬者。敵人將取其尸。又遇我兵盡殲之。又八月初六日。遣前哨章京格巴庫。率甲士十人。往探大凌河海口。獲船二隻。斬三十五人。又敵人夜入義州。於我兵屯田所。殺死滿洲三人。滿洲家人。漢人八十九名。敵人當夜即回。我兵於次日追及後隊。斬之。九月辛卯。遣羅實稽賽等。報捷。言九月每牛彖下。止留阿禮哈超哈甲士二人守營。其餘官軍。王貝勒等率往杏山城北山頭。見敵人自杏山城出。兵馬無多。我兵方誘敵時。松山一帶哨卒來報云。松山騎兵

已出。王貝勒等率兵馳至松山。遣擺牙喇章京率兵擊敗之。及還。敵復以馬步兵來襲。相去五里。王貝勒等駐立。縱阿禮哈超哈擺牙喇超哈官兵擊敗之。探卒來報松山兵復出。又令官兵擊敗之。敵人遂遁。共擊敗總督一員。總兵七員。士卒五萬。獲馬一百二十匹。甲五百七十副。癸巳。同睿親王多爾袞等。遣恩國泰等報捷至。言十一日。聞洪承疇率劉吳王陳四總兵。及內外馬步兵四萬。至杏山。王貝勒等率阿禮哈超哈兵一半。並擺牙喇全軍前進。見敵人馬步兵於

杏山城外近壕下營。時敵人馬兵先出誘戰。王貝勒等會商。令阿禮哈超哈兵暫止。發擺牙喇官兵擊敵馬兵。追至城壕掩殺之。獲馬七十匹。十二月。奉王多爾袞。肅親王豪格。安平貝勒杜度。率官兵一半。往代鄭親王濟爾哈朗等圍困錦州。六年六月庚午。遣轄雅賴。吉賽。漢褚翰等。奏捷。言關內援兵出松山來戰。我滿漢蒙古兵兩翼會合。追殺五里。直抵步隊。獲馬五百七十匹。七年四月。同鄭親王濟爾哈朗等。攻克杏山。甲子。遣

王濟爾哈朗。占代。誇代。達奇等。以克杏山捷音至。奏言。所

天眷奉

勅諭。即傳入杏山城內。招其降。不從。復送還。

勅諭。臣等遂於二十一日黎明。移礮於城北面。先攻取

其近城之臺。二十二日。即於臺前列紅衣礮擊

毀城垣。約二十五丈餘。我兵將欲登城。城上危

急。眾官始開門。親至營中。叩首歸順。臣等遂令

官兵入城。立於城上。仍令我兵守門。其投降官

軍。及人畜等物數目。俟察明再奏。丙寅。以杏山

投降官民。及所獲諸物數目具疏。遣邦紐等賚

八旗通志 卷一百三十三
至計獲男子二千五百七十六人。婦女幼小四千二百六十二口。駝二隻。馬二十二匹。牛五頭。騾七頭。米穀一百四十四石。甲二千七百四十六副。紅衣礮鳥鎗共八百六十有三。十月。

特授爲奉命大將軍。同內大臣圖爾格等帥師征明。八年五月癸卯。遣學士額色黑。甲喇章京穆成格。穆福。轄索泰等。齎疏奏克城。敗敵及俘獲數目。備言臣等蒙

上天眷佑。

聖主德威。將兗州府魯王。及樂陵。陽信。東原。安邱。滋陽。諸王。共一親王。五郡王。及管理府事宗室等官。殆幾千人。盡皆屠戮。攻克三府。十八州。六十七縣。共八十八城。歸順者六城。共克九十四城。擊敗敵兵三十九處。獲金一萬二千二百五十兩。銀二百二十萬五千二百七十七兩。珍珠四千四百四十兩。各色緞共五萬二千二百三十疋。緞衣三萬三千七百二十領。皮衣一百一十領。貂皮一百二十張。狐皮七十六張。豹皮一百七十張。虎皮一百四十張。整角六百三十。角面五百三十副。俘獲人三十六萬九千餘口。駝五十

隻馬騾六萬四千四百六十四匹頭。牛十三萬
二百二十頭。驢二十五萬三千四百頭。羊十萬
三千二百隻。共計俘獲人畜凡九十二萬三百
一十有四。此外尚有發窖所得銀兩。剖爲三分。
以一分給賞。其衆兵私獲財物。未曾計數。謹此
奏聞。六月癸酉。班師還。甲戌。論功。兩江。四年
賜銀一萬兩。順治元年。晉封爲多羅饒餘郡王。二年正

月丁酉。奉

命爲總統。率官兵往山東代肅親王豪格。征勦土賊。二

月甲戌。奏捷言。二月初三日。聞南兵渡河。圍徐

州沛縣李家樓。隨遣固山額真準塔等。領兵星
夜前往。賊馬步兵二千有餘。屯駐徐州十五里
外。我兵衝擊賊營。賊兵赴河死者無算。擒斬逆
渠六人。安撫百姓。秋毫無犯。獲人口牛馬甚多。
四年薨。

賜祭葬如典禮。立碑墓道。文曰。爾阿巴泰。乃

太祖高皇帝側室子也。以行間著績。於崇德元年。封爾
爲饒餘貝勒。後圍明錦州。復能宣力。及統兵畧山東
郡邑。又多克獲。以屢奏軍功。於順治元年。晉爾爲多
羅饒餘郡王。不幸遽爾奄逝。特諭所司勒碑墓所。用

申哀悼。子岳樂。博洛。博和。託孫章泰。俱自有傳。順治六年十月。封阿巴泰孫蘇布圖。強度。俱爲固山貝子。蘇布圖以從征薨於軍。謚悼愍。八年十一月。強度薨。謚介潔。蘇布圖。強度。皆阿巴泰子尚建之子。康熙元年三月。以阿巴泰子岳樂。晉封親王。因追封阿巴泰爲親王。今從追封。爵稱焉。多羅安郡王岳樂。饒餘親王阿巴泰子。初封鎮國公。順治三年正月。隨肅親王豪格。征四川流寇有功。五年七月。奉

命帥師。勦天津土寇。滅之。十一月。率兵駐防大同。六年

十月。封多羅貝勒。八年二月。襲封郡王。賜王號曰安。九年二月。管工部尚書事。十月。任議政。十年八月。以喀爾喀部落。相約舉兵作亂。

命王爲宣武大將軍。統領官兵戍防歸化城。十二年八月。任宗人府宗正。十四年十一月。

世祖章皇帝。以王性行端良。蒞事敬慎。晉封親王。仍號安。康熙九年三月。奉

命爲監修玉牒總裁官。十二年冬。逆藩吳三桂反。十三年三月。逆藩耿精忠亦反。九月。兩廣總督金光祖。疏報廣西提督馬雄。左江鎮總兵官郭義。竝

八旗通志 卷一百三十二
叛降於吳逆。廣西全省變動。奉

命爲定遠平寇大將軍。由江西往討之。十月丙申。帥師

出

京。

聖祖仁皇帝。出西長安門。親送之。十一月。奉

命赴江西。酌量調度軍機。十二月。疏報。吳逆下僞總兵
官張泰。踞守安福縣。率兵進剿。殺賊五千餘。恢
復縣城。又恢復都昌縣。疏通河道。招撫康山餘
賊。十四年正月。奉

命帥師取長沙。王疏奏。江西形勢。爲廣東咽喉。江南湖

廣要衝。今三十餘城。皆賊兵盤踞。且醴陵逆賊
造設木城。增僞總兵十餘人。兵七萬。裸裸三千。
堅守萍鄉諸處。臣若撤撫饒都昌防兵。進抵長
沙。則諸處復爲賊有。不撤則兵勢單弱。不能長
驅。且廣東諸路。恐亦多阻。臣欲先平江西賊寇。
無却顧之憂。然後分防險要。帥師前往。

詔如所請。二月。疏報。克復上高。新昌。二縣。陣斬僞總兵
朱一典。謝以泰。共殺賊一萬五千餘。生擒僞副
將守備等官。又招撫江西僞官二十餘員。兵三
千六百餘名。三月。疏報。二月十四日。敗賊於撫

州城南四十里唐埠地方。三月初二日復敗之。於七里岡。四月疏報。招撫江西奉新都昌冷口。南湖西湖等處。僞官九十一員。兵一萬九千八百餘名。又招撫銅鼓營。強山東鄉。餘千。奉新等處。僞官九十七員。兵三萬三千二百餘名。又報本月初四日。敗耿逆僞都督於饒州府萬年縣之石頭街。斬賊五千餘級。生擒三百名。又統兵攻東鄉縣。四面立梯。仍移檄諭僞副將林振。及僞官等五十六員。賊衆因領其十一營一萬一千餘衆。繳僞印。僞劄投誠。遂復東鄉縣。五月疏

報_臣等進取建昌。抵長興。遇賊將邵連。登兵八萬餘。水陸迎敵。偕定南將軍希爾根進擊。斬獲甚衆。遂復建昌城。又恢復萬年。安仁。二縣。屢敗賊衆於鸞石嶺。白水山口等處。破其巢穴。閏五月。饒州陷。奉

命回南昌。分兵調度。收復饒州。庚戌疏報。副都統朱拉禪。敗賊於武寧縣。都統覺羅畫特。克新城縣。生擒僞遊擊許定國。江寧將軍額楚。至弋陽。敗賊將蔣洪德。兵五萬。又敗僞總兵柯昇。援兵二萬餘。進抵廣信。賊已遁去。因復其城。六月疏報。定

南將軍希爾根進取饒州。敗賊於餘干。抵饒州。賊先一夕遁去。饒州平。七月疏報。招撫江西泰和。龍泉。永興。廬陵等縣。并湖廣茶陵。永寧等州縣。僞官二百七十餘員。賊兵及家口六萬五千。六百餘名。又遣定南將軍希爾根於碣碑浦。景德鎮地方。屢敗賊衆。斬僞副將叅將以下十餘員。賊兵八千餘級。生擒四百餘名。恢復浮梁。樂平。二縣。又遣侍郎舒恕。總兵官許貞等。率兵敗賊於宜黃。恢復宜黃。崇仁。樂安。三縣。九月疏報。官兵抵靖安縣。破僞總兵桂芳等。賊遁。遂復靖

安。九月奉

諭旨量留官兵固守江西。乘冬月速取長沙。十一月疏奏。逆賊吳三桂。聞臣進取長沙。必固守要害。非綠旗兵無以搜其險阻。非紅衣礮不能破其營壘。提督趙國祚久任行間。熟練火器。兼統旗兵三千。屯墾都督陳平所轄兵二千。乞俱令隨臣進討。其廣東送來紅衣礮甚重。兼路險難致。惟西洋礮輕利便於運動。乞發二十具爲攻剿之用。得

旨。剿滅逆賊。平定湖南。俱賴王練習宿將及精兵。火器

俱不可闕。提督趙國祚都督陳平并所屬官兵悉依王所請。南懷仁所造火礮著官兵照數送至江西。轉運王軍前。王不必待礮始行。亟由吉安或袁州進發。甲辰疏報。勦殺江西浮梁貴溪等縣賊衆。恢復城池。招撫僞官張輔聖等二百七十餘員。兵三千三百七十名。十一月疏報。招撫僞官六十七員。兵丁家口四千四百餘名。壬戌疏奏。僞總兵張存遣使來言。閩逆軍餉匱乏。恣意剝削。軍士逃亡。百姓怨讟。張存所屬兵八千屯於順昌。不聽耿逆調遣。又僞總兵羅元生統兵固守其地。

邵武總兵彭世勳雖降逆而按兵不動。此皆耿逆之內患也。若大兵自江西進閩。伊等卽爲內應。第臣今尅期往赴長沙。伏乞

睿鑒詳度。無失事機。尋奉

聖祖諭。招徠逆賊。進克福建。令大將軍簡親王副將軍希爾根將軍額楚總督董衛國等相機以行。至於進攻長沙。勦滅吳逆。惟王是賴。但恐逆賊覘知我師進取長沙。固守袁吉。阻我兵行。今或兵分數道。在王必有定見。其悉心籌畫萬全。務速之。十五年二月。江西總督董衛國疏報。王統大兵進勦逆賊。抵萍鄉。

縣相視地方形勢。分兵四隊。大敗賊衆。破十二寨。斬首萬餘級。僞將軍夏國相棄印走。遂復萍鄉。十六年二月疏報。敗僞總兵解先聲於瀏陽縣。斬首千餘級。生擒僞遊擊守備等九名。十月疏報。馬棚逆賊擾瀏陽縣。遣副都統阿晉泰率滿漢兵大敗之。擒斬無算。十一月奉

命乘逆賊震動之時。速分兵摧破楚逆。取湘潭諸處。十

七年正月疏報。官兵敗賊於平江。恢復縣城。三月疏報。招撫僞總兵揭玉慶等一百二十三員。兵丁一千餘名。進剿馬棚賊於七家洞。擒斬甚

衆。又招撫僞總兵朱永升等。閏三月疏報。吳三

桂僞親軍水師右翼將軍林興珠率僞官楊廷

言。自湘潭來降。十八年二月疏報。岳州已經恢

復。長沙逆賊震恐。於正月二十九日。棄城潛遁。

臣已入城安撫人民。又報前鋒叅領沙納哈率

兵至湘潭。賊望風驚遁。恢復縣城。三月王親統

大兵進取衡州。寶慶等處。七月疏報。招撫僞知

府金世正等二百八十六員。七月疏報。敗逆賊

僞楊總兵於寶慶府巖溪地方。斬首七百餘級。

獲船四十餘艘。八月疏報。臣等率師抵紫陽河。

八旗通志 卷一百三十一
適賊於對岸結營。遣建義將軍侯林興珠提督趙國祚副將尼滿渡河進擊。前後夾攻。賊潰棄營遁。追殺二百餘人。生擒偽都司一名。賊首吳國貴盤踞武岡州。率偽將軍胡國柱等賊二萬。逆戰隘口。復遣建義將軍侯林興珠提督趙國祚率兵奮擊大破之。吳國貴中火礮死。餘賊棄武岡遁。遂復武岡城。及楓木嶺。十一月疏報。偽知縣周冠等率兵丁四百二十三名投誠。乙卯聖祖以諸處漸定。

命王率每佐領八人還

京。以固山貝子章泰爲定遠平寇大將軍。代總軍務。十二月。獲明僞太子朱慈燦。攜至

京師。十九年正月。

聖祖特諭褒德賞功。國家之令典。安內攘外。社稷之崇

勲。王連年以來。遠蒞巖疆。親經百戰。櫛風沐雨。歷暑逾寒。競揚貔虎之雄。克清梟獍之孽。湖湘諸處。已見蕩平。滇黔餘氛。俱成坐困。更體朕軫念窮荒之心。廣示招徠。深加撫恤。王師所至。遐邇來歸。捷奏屢宣。中外稱慶。朕旣嘉碩畫。益篤親親。爰命班師。副朕懷想。頃者聞王已抵武昌。奏凱可期。特遣使臣慰勞。兼賜

駱駝良馬。以示優眷。王卽按程以來。朕將計日以待。
是歲還

京。

賜賚甚優。二十年十二月。

命掌宗人府事。二十八年二月薨。

賜祭葬立碑。諡曰和。碑文云。朕纂承洪緒。篤念本支。睦
族展親。務從優渥。矧維城舊德。宣力邦家。生受祉於
天潢。歿垂光於貞石。固其宜也。爾和碩安親王。乃多
羅饒餘郡王之子。系出

太祖高皇帝。爲國懿親。早膺公爵。佐軍巴蜀。作鎮雲中。

旋授多羅貝勒。紹封郡王。掌理冬官。列於議政。嗣命
以大將軍屯歸化城。擢司宗正。屢經任使。著有勤勞。

世祖章皇帝乃加恩眷。晉封親王。禮遇隆厚。洎朕命將
討逆。勅爲定遠平寇大將軍。出師豫章。王仰承指授。
宣厲國威。逮乎旋旆歸朝。雍容圭紱。方期究享遐齡。
何意耄耄未臻。溘焉凋謝。永維終始。殊愴朕心。用是
循考彝章。易名賜葬。嗚呼。華表方新。爰備飭終之典。
松楸已列。彌增眷舊之懷。勒此豐碑。光昭奕世云。子

馬爾渾。初封世子。康熙二十九年二月。襲封多

羅安郡王。三十九年十二月。緣事。併追降岳樂

為郡王。四十年正月。以馬爾渾掌宗人府事。四十五年二月。為纂修

玉牒總裁官。四十八年十一月薨。

賜諡曰愨。造墳立碑。碑文稱其敬慎居心。謙和行己。嗣

藩封之顯爵。領宗正之崇班云。四十九年二月。

以子華玘襲安郡王爵。五十八年九月戊戌薨。

賜祭葬立碑如例。諡曰節。

八旗通志初集卷之一百三十三

宗室王公列傳五

敬謹親王尼堪父貝勒褚燕 子敬謹親王

承澤親王碩塞子莊親王博果鐸 輔國將

軍恩克布 弟襄親王博穆 博和爾 鎮國公高塞

裕親王福全 恭親王常寧

純親王隆禧 恒親王允祺

淳親王允祐 愉郡王允禩

命同陰晦而行。見大燾。之上有光。衆以爲異。捫視無有。復樹之。光如初。舒爾哈齊貝勒疑爲凶兆。欲回兵。洪巴圖魯貝勒與代善貝勒曰。或凶或吉。兆已定。吾等何所見而回兵耶。遂決意進兵。至蜚悠城。盡收環城屯寨。凡五百戶。令扈爾漢轄。率兵三百衛之。先行。烏喇國布占泰貝勒聞之。發兵萬人。邀諸路。扈爾漢轄結寨山巔。與敵相持。次日。洪巴圖魯貝勒與弟代善貝勒等至。策馬奮怒曰。皇父每有征伐。無不破降其衆。今雖未親歷行間。有我

皇父每有征伐。無不破降其衆。今雖未親歷行間。有我等在此。爾等勿憂。昔布占泰來侵我國之日。被我國擒而縛之。豢養多時。宥其死以歸。俾主其國。爲時不久。其人如故。曾從我手而釋。豈天釋之耶。爾等勿謂彼兵爲多。我國荷

天眷。仗

皇父威名夙著。破敵兵必也。衆軍士皆奮。願効死。遂率衆渡河。與代善貝勒各領兵五百。分二路緣山奮擊。烏喇兵遂敗走。時天氣陰凍。被傷敵兵棄甲逃者。僵仆甚衆。及班師。

太祖嘉其勇。改賜洪巴圖魯號爲阿爾哈圖土門。戊申

年春三月。與阿敏台吉率兵五千征烏喇國。圍其宜罕阿麟城克之。斬千人。獲甲三百。俘其衆以歸。時烏喇國布占泰貝勒與蒙古科爾沁翁阿岱貝勒合兵出烏喇城二十里。駐兵遙望。知非我軍之敵。遂不戰而遁。乙卯年秋閏八月薨。年三十六。長子杜度。封安平貝勒。自有傳。尼堪其第三子也。早歲卽立功戎行。征多羅忒董夔。俱在行間。天聰九年五月征明。尼堪隨額爾克楚虎爾貝勒多鐸率師入明寧遠錦州地界立營。遙制寧遠錦州援兵。尋晉封固山貝子。崇德

元年十二月。同戶部承政馬福塔率擺牙喇兵千人。隨豫親王多鐸往征朝鮮。圍其國王所都王京。朝鮮王棄國遁去。追至四十里南漢山城。復還繞立寨圍之。朝鮮國外道兵聞其王被圍。有巡撫一員領兵一萬八千來援。分立兩營。尼堪率兵迎敵。大敗之。又有一副將領兵五千來援。復擊敗之。二年四月。任議政大臣。四年三月。同武英郡王阿濟格貝子羅託等征明。率四旗擺牙喇兵環守塔山連山。七年三月。隨鄭親王濟爾哈朗駐劄塔山。是年克錦州。九月。尼堪率

官兵往代公博和託吞齊哈等駐防錦州。順治元年四月。隨睿王多爾袞進山海關。破流賊。復隨英親王阿濟格追賊至慶都縣。擊敗之。十月。晉封多羅貝勒。隨定國大將軍豫親王多鐸統領官兵南征。十二月。破流賊入潼關。二年正月。師距潼關二十里立營。有賊將劉方亮領兵千餘來窺我營。燾章京圖賴等率兵擊之。尼堪復助兵奮擊。遂大敗之。俘斬甚多。賊又以騎兵三百橫衝我師。尼堪同懷順王耿仲明固山貝子尚善擊敗之。三月。分兵三路趨歸德。定河南。四

月。進征南京。

世祖章皇帝以王貝勒等破流寇。平陝西。安撫河南。復進征南京。勤勞日久。各加

恩賜。尼堪賜弓一張。五月。大兵克南京。僞福王朱由松。

潛遁太平。尼堪同昂邦章京圖賴等率官兵追之。僞福王走蕪湖。復率兵趨擊。僞福王登舟渡江。因據江口。截其去路。僞靖國公黃得功逆戰。擊敗之。敵兵皆墮水。盡奪其舟。得功中流矢死。僞總兵田雄等縛福王及其妃來獻。十總兵併部眾俱降。獲金銀綉緞寶玉貂皮等物甚多。又

用紅衣礮攻江陰縣克之十月

賜金二百兩銀一萬五千兩漆鞍馬一匹空馬二匹三

年正月隨靖遠大將軍肅親王豪格統官兵征

四川破流賊八大王張獻忠四年八月同貝子

滿達海固山額真杜雷等分兵進勦遵義夔州

茂州榮昌隆昌富順內江資陽等處斬偽王及

巡撫道官總兵副將叅將遊擊都司守備一千

餘員兵丁無算獲馬騾一萬二千四百餘尼堪

又獨領兵擊敗賊渠賀珍兵三次安定漢中府

民川寇悉平五年正月凱旋九月晉封多羅敬

謹郡王統領官兵勦天津土寇滅之十二月大

同總兵姜瓖叛六年正月王奉

命為定西大將軍率官兵平太原三月王遣固山額真

庫祿克達爾漢阿賴等屢敗賊寇斬偽巡撫姜

輝偽叅將羅映壇獻印劄率所部四百人降是

月晉封和碩敬謹親王四月奉

命由左衛往圍大同八月偽總兵楊振威遣偽守備劉

寶至軍前言我等原係良民為逆寇姜瓖迫脇

而反大兵來圍大同即欲斬逆瓖歸順奈力不

及今兵民饑餓死亡殆盡餘兵無幾我等問計

於各官裴季中等二十三人。與我等合謀。約斬姜瓖歸順。許之。振威等遂斬姜瓖。并其兄姜琳。弟有光。首級來獻。王率大兵入大同城。安撫民人。事平還京。尋緣事降爵爲多羅郡王。八年三月。管理禮部事務。尋管宗人府。五月奉

特恩仍封爲和碩敬謹親王。時僞桂王未平。九年七月。命王爲定遠大將軍。統官兵往征湖南貴州。

賜御服佩刀鞍馬等物。給與

勅書。言張獻忠餘孽孫可望等逆賊。侵擾湖南。陷民水火。不得不遣兵致討。特命王充定遠大將軍。統率大

兵征勦。王膺茲命。凡事與諸將同心協謀而行。毋謂自知。不聽人言。毋謂兵強。輕視逆寇。仍嚴偵探。毋致疎虞。抗拒不順者戮之。傾心歸順者撫之。總以安民爲首務。嚴禁兵將。申明紀律。凡歸順及恢復地方軍民。不得肆行殺掠。體朕好生至意。其陷賊文武官吏。自拔來歸。俱免罪酌用。有功者仍加敘錄。勦除逆賊。平定貴州。復擇善地屯劄。馳使奏聞。須候旨到。行間將領功績及重罪。俱察實紀明彙奏。各官有犯小過者。當卽處分。至於十人長分得撥什庫以下。無論大小罪過。俱與諸將商酌。徑行處分。王受茲重任。宜殫

八旗通志 卷一百三十三
忠竭力。早奏蕩平。是月。敬謹親王尼堪率師出京。

世祖親送至南苑。八月。

勅諭定遠大將軍和碩敬謹親王尼堪曰。聞賊入廣西。於七月初四日攻陷桂林府。定南王孔有德自盡。嚮命王勦滅湖南賊寇。平定貴州。今毋往貴州。仍從湖南進取寶慶。其西安府調發滿洲兵將。及提督總兵柯永盛官軍。留於寶慶。王領大兵入廣西。相機搜勦賊孽。其餘一應事宜。俱照前勅遵行。十一月。師抵湘潭縣。賊首偽將軍馬進忠等。領馬步兵已遁還。

寶慶府。王與衆將商議。將疲弱馬匹。撥梅勒章京二員。又每固山章京二員。每牛彖甲兵四名。留後喂養。遂率官兵自湘潭向衡州府進發。去衡山縣三十里。前鋒遇賊哨卒。追至衡山縣。擊敗偽軍門一員。偽副將五員。馬步賊兵一千八百名。卽於是夜兼程前進。天未明抵衡州。及明。王率貝勒貝子公固山額真等向前。正列陣間。賊兵卽至。王指授頭隊兵擊賊。我兵各依所對之處衝入。賊兵大敗。追殺二十餘里。斬獲甚多。得象四隻。馬八百二十餘匹。殺敗賊兵四萬餘。

方頭隊兵擊賊時。我二陣兵正列陣間。忽見兩邊樹林內賊兵齊出。又衡州城內賊來甚衆。王云。我兵凡攻戰之處。俱直入擊賊。我爲宗室。若不斬除逆寇。何面目歸乎。於是奮勇直入擊賊。賊環繞圍之。王身率衆轄。橫豎衝擊。矢盡。拔刀力戰。遂歿於陣。年四十三。十年十月。靈輓自湖南回京。

世祖命和碩親王以下。二品官以上。出郭十里迎。旣至。世祖欲親臨其喪。諸王大臣力諫乃止。卹典加厚。

賜諡曰莊。十二月。以王次子尼思哈襲封敬謹親王。十七年十一月薨。諡曰悼。乃封敬謹莊親王尼堪長子蘭布爲多羅貝勒。十八年六月。以蘭布父莊親王尼堪陣亡可憫。封蘭布爲敬謹郡王。康熙六年二月。蘭布告伊父亡後。伊弟尼思哈襲封親王爵。伊弟亡後。無故降等襲封。因晉封蘭布仍爲和碩敬謹親王。七年十月。緣事降爲輔國公。十二年十二月。逆藩吳三桂反。十三年六月。蘭布隨安遠靖寇大將軍多羅貝勒尙善率兵往湖廣岳州征之。

聖祖仁皇帝欽賜甲冑鞍馬腰刀。十七年二月卒於軍。
鑲紅旗和碩承澤親王碩塞。

太宗文皇帝子。順治元年十月封多羅承澤郡王。隨定國大將軍豫親王多鐸南征。破流賊。平陝西。安撫河南。二年往江南。征偽福王。破淮揚。直抵南京。四月。

朝廷以王貝勒等在軍前勤勞日久。各加

恩賜。王賜團龍紗衣一襲。五月渡江。下江寧。擒偽福王朱由松。自出京前後戰敗。水陸馬步敵兵一百五十餘陣。江南浙江等處悉平。招撫文武官二

百四十四員。馬步兵三十一萬七千七百名。十月凱旋。

賜王金二千兩。銀二萬兩。玲瓏鞍馬一匹。空馬四匹。三年五月。以蘇尼忒部落騰機思。騰機忒。吳班代。多爾機思哈。蟒悟思。額爾密克。石達等。各率所部叛奔喀爾喀。

勅諭集外藩諸蒙古兵於克魯倫河。以和碩德豫親王多鐸爲揚威大將軍往勦。

命王同行。叅贊軍務。至聞騰機思在滾噶樓台地方。卽同德豫親王疾追。凡兩日三夜及之。大敗其衆。

俘獲騰機思部落兵弁及生畜無算。喀爾喀部王同土謝圖汗兵迎戰於扎卽布喇格地方。王親率衆列陣。大破之。次日碩羅汗迎戰。復率衆敗之。命統官兵勦天津土寇。殲之。十一月。以喀爾喀部落二楚虎爾行獵向我邊界。王奉命統兵駐防大同。是冬大同總兵姜瓖據城叛。六年正月。賊黨劉遷攻代州。據其外關。章京愛松古遊擊高國勝併蒙古兵三百俱被困。王率兵往援。監梯攻城。大破之。斬賊渠郭芳。遷圍解。又於德勝路遇賊。援兵七千。距我兵三里許。結兩營拒敵。王親督戰。敗之。八年閏二月。

世祖章皇帝以王係

太祖之孫。兼軍功懋著。晉封和碩承澤親王。八年三月。命王管理兵部事。十月。任議政。十二年十二月薨。年二十七。謚曰裕。以子博果鐸襲爵。改封號曰莊。康熙五年正月。封博果鐸弟恩克布。爲三等輔國將軍。二十年二月。恩克布卒。謚溫僖。雍正元年。莊親王博果鐸薨。謚定靖。碩塞弟博穆博和爾。順治十二年二月。封和碩襄親王。十三年七月。

薨年十六。於定例外加祭一次。建造墳祠。康熙十年五月。諡曰昭。弟高塞。順治九年九月。封輔國公。康熙八年九月。晉封鎮國公。九年卒。賜祭葬如典禮。諡愨厚。

鑲白旗和碩裕親王福全。

世祖章皇帝長子。

聖祖仁皇帝之兄也。康熙六年二月。封和碩裕親王。二十九年。厄魯特噶爾丹叛。深入烏朱穆秦地。王奉

命爲撫遠大將軍。率師往勦。八月。聞噶爾丹屯於烏闌

布通。卽統大兵鼓行而進。遇賊前隊。發鎗礮擊之。至山下。見厄魯特於林內。隔河岸相拒。橫卧駱駝以爲障蔽。大兵進擊。自未至戌。左翼兵由山腰捲入。大敗之。斬殺甚多。乘勝進勦。噶爾丹迫於追襲。據險堅拒。以誓書乞和。繼使人賫奏章至。王遣人馳奏。

聖祖仁皇帝從之。令仍率大兵駐彼。探噶爾丹出邊遠去實音。未幾。王以噶爾丹遁已月餘。遂率大兵內徙哈嗎爾嶺。部臣以王班師。未經奉

旨。議罪擬革王爵。

聖祖以此舉已擊敗厄魯特兵。諸王大臣概從寬免議。
三十五年復從

聖祖征勦厄魯特噶爾丹。四十二年十一月薨。遣官致祭。如鄭親王例。於常祭二次外加祭一次。造墳立碑。諡曰憲。

聖祖御製碑文云。國家景運。麗洪本支。百世用惇。秩敘懋建。屏藩矧茲。同氣之最親。加以懿行之茂著。恩無間於終始。禮務盡夫榮哀。紀述生平。倍增愴歎。惟王為

皇考世祖章皇帝之長子。朕之親兄也。胄既屬尊。齒復居長。而秉性寬和。持身謙牧。虛受之量。雖疎賤不遺。矜慎之衷。雖細微必飭。而其大者。則在因心展孝。曲盡

慈寧色養之誠。視國如家。克敦夙夜。奉公之義。入而預聞大政。出而翊贊戎機。佐致昇平。共享清晏。豈期偶恙。遽遘鞠凶。當王之初疾也。嘗遣醫審藥。躬親再三。王自謂漸瘳。諄辭遜謝。及朕時巡塞上。哀訃忽聞。遂觸冒炎蒸。倍道遄返。輟朝臨奠。製誄抒懷。歷喪禮之告竣。常涕泗之橫集。顧瞻華屋。杳隔春暉。歲月不淹。頓成陳迹。能不悲夫。迄今追維往事。溯自髫齡。或同

侍寢門。或偕游禁苑。或參稽圖史。或陪扈鑾輿。朕日篤家人昆弟之歡。而王則益修臣職。惟謹四十餘年。曾無失德。天懷樂善。何日忘之。經曰。高而不危。所以長守貴也。滿而不溢。所以長守富也。王服習斯訓。美備厥躬。按法旌行。予諡曰憲。洵無忝矣。茲王之寢園。在黃華山麓。川回巖抱。旣固且完。朕親相度。廼襄大事。嗣子保泰。命紹舊封。式纘王緒。於戲。惟王克忠克孝之節。允樹爲臣爲子之型。王之休德。朕褒揚之。王之後嗣。朕佑庇之。爰据實摛文。勒諸貞石。用垂令聞於不朽。俾後之覽者。知所景仰焉。

正藍旗和碩恭親王常寧。

世祖章皇帝子。

聖祖仁皇帝之弟也。康熙十年正月。冊封和碩恭親王。二十九年七月。奉

命爲安北大將軍。與兄撫遠大將軍裕親王福全。並出擊厄魯特。噶爾丹於烏闌布通。大敗賊衆。三十五年二月。復與兄福全。從

聖祖仁皇帝征勦厄魯特。四十二年六月乙亥薨。

聖祖遣官致祭。爲之造墳立碑。以紀功德。碑文云。國家因親錫寵。固莫重於宗支。而自近推恩。尤必先乎同

八旗通志 卷一百三十三
氣。故手足之誼。既篤生前。軫卹之仁。更加歿後。凡以道隆敦本。禮備飭終。典至渥也。惟王朕之介弟。幼授親藩。久沐尊崇。歷沾賜賚。方期奉天倫之樂。承日接之歡。克保修齡。茂膺多祉。何圖春秋猶壯。齒髮未衰。疾疾忽侵。溘焉凋謝。緬維曩昔。感悼良深。特遣官以築幽宮。復勒銘以垂貞碣。嗚呼。音容漸邈。嗟朱邸之長辭。歲月旋移。悵黃壚之永閔。式頒寵命。昭示來茲。不其休歟。

鑲白旗和碩純親王隆禧。

世祖章皇帝子。恭親王常寧弟也。康熙十三年正月封。

和碩純親王。十八年七月薨。諡曰靖。初疾篤時。聖祖仁皇帝親幸王第。立傳醫調治。午時還宮。以王疾

奏聞

太皇太后復

詣王第視之。以王疾篤。復還奏。申時王薨。

聖祖聞訃。驚慟。欲親臨王第。奉

太皇太后諭旨而止。於常祭外加祭一次。爲之造墳立

碑。碑文云。

惟稽古懋建懿親。覃敷雍睦。蓋以敦一本。重宗盟也。朕紹嗣丕基。篤敘倫紀。凡屬天潢之派。咸推王室之

恩矧任重藩屏。誼殷手足。眷念旣深。於存歿典章。豈
靳夫哀榮。惟王乃。皇考世祖章皇帝之子。朕之弟也。質成聰敏。性秉溫恭。
孝友克彰。謙仁適懋。裕含章之雅範。弘樂善之休風。
朕夙重天倫。不吝封爵。賜之茅社。永固河山。方謂同
氣之親。克樹作邦之翰。何期早嬰危疾。遂致長逝。幽
冥。睠昔偕侍。

慈幃。同歡別殿。雖爾實凜君臣之分。而朕無間昆弟之
情。往事如存。流光頻易。中心眷戀。何日能忘。是用特
命有司。式循彝憲。務極優崇之數。庶抒惋悼之懷。旣

相土而賜塋。仍易名以旌行。錫之嘉諡曰靖。於戲。寵
沛褒綸。聿表親賢之望。崇開吉兆。尙昭友悌之忱。俾
勒穹碑。永垂奕禩。

鑲白旗和碩恒親王允祺。

聖祖仁皇帝子。

世宗憲皇帝弟也。康熙三十七年三月。封爲多羅貝勒。
四十八年三月。晉封和碩親王。錫號曰恒。雍正
十年閏五月薨。

賜祭葬如典禮。諡曰溫。十二年四月。立碑墓道。碑文云。
朕惟國家展親悼典。立愛必始於因心。賜卹推恩。錫

類宜先於同氣。故眷隆存歿。禮備哀榮。凡以厚本支。示優渥也。惟王銀潢衍派。玉牒傳芳。蚤膺茅土之封。庭闈趨侍。用作屏藩之寄。華萼承輝。秉性和平。茂著含章之望。持躬謙謹。勉期樂善之風。方謂頤養天和。庶遐齡之獲享。詎意遽膺疾。乃奄逝之忽聞。軫惻良深。彝章備舉。既易名而致醊。復營葬以勒珉。嗚呼。悵音塵之永隔。念切荆枝。煥綸綍之常新。情深雁序。式頒寵命。昭示來茲。不亦休歟。

聖祖仁皇帝子。鑲白旗和碩淳親王允祐亦

世宗憲皇帝弟也。康熙三十七年三月。同兄恒親王允祺。俱封為多羅貝勒。四十八年三月。晉封多羅淳郡王。當是時。

國家承平日久。累洽重熙。兵民樂業。而八旗事務。有漸致廢弛者。五十七年十月。

聖祖諭議政大臣。內大臣等曰。每旗都統。副都統。或有起家微賤。專意狗庇。一應補放官員。併佐領等事。恒有遲至數年。或十年不奏者。或一官病故已久。數年尚仍給俸者。一切事件。漫不稽查。甚是曠廢。正藍旗滿洲都統顏信。前往出兵。其滿洲蒙古漢軍三旗之

事著七阿哥辦理。別旗各相效法。自必發憤勤事也。

七阿哥者。王之行第稱也。是日並

命皇子原封敦郡王允祇。辦理正黃三旗。固山貝子允

禔。辦理正白三旗。各事務。王自受事以後。恪共

厥職。諸務畢舉。頽風靡習。漸至丕變。雍正元年

四月。晉封和碩親王。仍號曰淳。尋以疾解旗務。

八年四月薨。諡曰度。

世宗遣官致祭。九年五月。立碑墓道。文曰。朕惟國家展

親之典。禮莫重於本支。錫類之恩。誼必先於同氣。眷

念既深於存歿。褒崇宜備於哀榮。惟王乃

皇考聖祖仁皇帝之第十五子。朕之弟也。和平秉性。謙

謹持身。昔侍

庭闈。克篤承歡之愛。分封屏翰。益弘樂善之風。朕纘緒

以來。天倫維序。特升位號。晉爵親藩。邸第恬居。守安

貞之素履。園林靜攝。期頤養於遐齡。詎意沉疴。遽聞

溘逝。賜帑金而致賻。頒祭醴以抒悲。用備舉夫彝章。

更摛文於貞石。易名予諡。曰度為宜。於戲。眷雁序以

含悽。豐碑永勒。荷龍光而增寵。華表方新。垂於奕葉。

不亦休歟。

正紅旗多羅愉郡王允禩。

聖祖仁皇帝子。莊親王允祿同母兄也。雍正四年五月。封多羅貝勒。八年三月。晉封多羅愉郡王。是時

世宗憲皇帝篤念

皇陵重大。

特命王前往護視。所為永孝思。重本支者。其意至優且

厚。王體素羸。善病。九年二月薨。諡曰恪。悉按典

禮。

賜予祭葬。十一年十月。為之造墳立碑。碑文曰。國家建

藩以資屏翰。邨典以重懿親。生荷殊榮。既剖符而受

冊。歿膺沃澤。更勒石以垂休。聿弘敦本之仁。彌厚飭

終之禮。惟王

聖祖仁皇帝之子。朕之弟也。輝分玉葉。秀擢金枝。賦性

得其和平。素履遵於坦易。朕誕膺寶籙。祇肅

園陵。念茲重地之周防。爰命親藩而護視。用晉封夫王

爵。俾擁衛於

寢宮。庶幾頤養安和。迓純禧而延算。詎意體嬰羸瘠。遂

高謝於塵寰。庀官物以經營。務從優贍。建豐碑而謚

誄。備極哀榮。嗚呼。華萼縈懷。賁丹綸於黃壤。松楸增

色。鐫綠字於青珉。垂諸奕世。不亦休歟。

已驗絲字外青然垂精奕世不亦於歟
 精簡蘇京榮訓和華善樂對育母命飲黃髮外城
 高橋外聖賢以官以以聖者將分賜謝表以聖
 宮煎鑊開養受味致祥蘇而致其聖意
 會學轉滿外
 刻念茲重此之周知矣命賚於而克以
 其其味平素氣致外此是知
 血二皇部外
 卷之斷辨王

八旗通志初集卷之一百三十四

宗室王公列傳六

怡親王胤祥

(This page contains vertical columns for the biography of Prince Yi, but the text is mostly blank or extremely faint.)

其那妄覲非分。數以詐術誘惑諸王。王獨不爲所動。康熙六十一年十一月。

世宗憲皇帝肇登宸極。總已以臨。稔知王忠孝純摯。特授封怡親王。

命總理事務。當是時。阿其那包藏禍心。隆科多威福自恣。懷挾奸私。圖亂國。是王屹然鎮靜其間。不動聲色。而僉邪顧畏懾服。已隱然有社稷功矣。

世宗念國儲爲民命所關。十二月。

命王領戶部。管理三庫事。王蒞任後。則以

國家休養蕃息。民物康阜。成賦歲入旣多。經費浩

繁。簿籍益冗。蠹弊叢集。於是稽覈精密。出納有經。徑竇爲之肅清。府庫歲有餘羨。國用益饒。維時

世宗宵旰勤勞。日以四海蒼生。安富樂壽。物各得所。爲念。撫財用之豐裕。實足以覃敷

闡澤。凡良法美意。可加恩中外者。百務具舉。江南浙江江西浮糧。

聖祖屢欲減除。以廷議異同。未果。王推本

聖祖德意。仰體

世宗弘仁。斟酌奏請。旣

上聞乃大嘉悅。

命歲減江南正額。蘇州三十萬兩。松江十五萬兩。浙江
之嘉興湖州。江西之南昌。亦次第減除。通計歲
減六十一萬兩有餘。直省正供遞行蠲免者亦
數百萬。他若興大役以廣惠利。建大工以資捍
禦。膏澤普於黎庶。優賚遍於臣工。疊沛

德音。王實親見

世宗痼瘼弗釋之至意。又適當可以有爲之時。凡

聖心所欲施行者。無不矢竭公忠。贊成盛治。京畿不講
水利。旱潦無蓄洩之備。雍正三年十二月。

特命總理水利營田事務。王建議興修。疏濬河渠。築堤

置閘。區分疆畷。經畫溝塍。復躬親巡視。往返輒
經旬月。櫛風沐雨。寒暑靡間。務成萬世永賴之
利。期年。杭稻豐稔。民益趨事。甸服以內。數千里
之沮洳汗萊。悉成沃壤。江南水道。自河淮而外。
多致淺塞。王所屬李淑德。官江南久。熟諳水利。
王詢訪形勢。奏請修復。

世宗初欲俟畿輔工竣。

命王親往相度。王亦身任不辭。後因江蘇巡撫之請。王
奏。以東南水利所關甚重。不可稽緩。乃按圖指

授窮源竟委。因勢利導。工以有成。東南數十州。縣。河流疏暢。獲灌溉之利。王雖未身履其地。而億萬生靈。永受其福矣。兩淮鹺政。官吏徵求不已。商以重困。自王總理戶部。浮費大省。商力益裕。輸將以時。準噶爾逆天犯順。窺我邊陲。

世宗欲中外久安。敕寧疆宇。不得已而用師。王叅預密議。洞屬機宜。遠近險易。瞭若指掌。衣資芻粟。馳馬甲兵。計日轉輸。從無稽誤。軍需數以千萬計。一出於庫帑。絲粟不以及民。輓輸數年。而海內未嘗知有用兵之事。由王筦度支而儲蓄充裕。

調度得宜也。王資性精敏。忠勤弗怠。初視部事。時案牘壅滯。累積。王剔除宿習。獎勵曹司。於展限四十日中。舊案數千。悉經理就緒。部務於是。一清。自議政及戶部三庫而外。

特命王察核議覆之事。不可勝計。王事事準協情理。允
愜

聖心。餘若

內殿營造。

舊邸諸務。宮中府中。事無鉅細。一以咨王。王綜理細密。事必躬親。竭力輸誠。精詳周協。既在病中。

而部案紛紜。披閱不倦。王冲懷樂善。扶佑賢良。普公忠爲國。與同事諸大臣共矢寅恭。協心籌度。內所保薦封疆大吏。多克稱任。遇下仁恕。人樂爲用。部曹賢能者。善待之。含容小過。能改則已。舉劾悉秉大公。未嘗以喜怒有所偏向。至訓飭侍衛。練習禁軍。拔擢材勇。鼓舞成就之。以備國家之用。孜孜好善之意。無在不然也。至於事關軍國者。知無不言。言無不盡。青海用兵。隆科多。以私怨撓軍計。王力言專閫之道。不容掣肘。世宗用王言。蕩平旋奏。部帑虧空。積有歲年。

命王清釐實數。王以年久數多。典守者衆。請大沛恩澤。槩予保全。乃一一核奏。爲數至二百五十餘萬。又請經理代償。

諭以侵國帑而長子孫。不懲無以示後。未允所請。然數年中。王以庫入之美代償者。已十之八九也。王爲國爲民。濟人利物。因事効忠。日有獻納。而惟恐人知。

聖言或偶一宣布。則惶悚不可名狀。

世宗不欲違王意。不以宣示廷臣。及王身後。聖意追思弗釋。

諭旨屢頒。於是入告之嘉謨。昔所造膝密陳者。始顯著中外。如寬免雍正三年以前積逋。開復註誤。皆自王發之。至今誦繹。

溫綸。王生平至誠愷惻之意。尚流溢於言辭之表。啓沃之功。爲用弘矣。王承

命訊鞫大獄數十事。詞所連引甚衆。王平心研究。以至誠感格。愚頑以情理折服。虛誕不待加刑。而人自吐實。奏讞條上。一歸平允。蓋王存心忠厚。聽斷公明。實能仰體

聖主如天好生之心。以成國家刑期無刑之治。嘗奏言

曰。聽訟之道。求諸詞色。以察情僞。設誠以待之。據理以折之。未有不得其情者。惟大猾狡獪。不得已而施之。敲撈若槩。用重刑。鍛鍊成獄。三木之下。何求不得。此折獄之未免有冤抑也。

世宗深歎以爲仁人之言。

命天下直省有司。刻木榜置堂署。時時省覽焉。四年七月。

世宗親灑宸翰。書忠敬誠直勤慎廉明八字。賜王。條析王善行。宣諭中外。謂八字皆王實蹟。無分毫過量。至王居心之方正。秉性之和平。待人之寬厚。

遇下之仁惠。八字尚未能備舉。前後屢頒諭旨。敘述王嘉謨懿行。不下數十萬言。復諭曰。若有一言失實。則不足以傳信天下後世。非以獎王。乃厚誣以譏王。朕不忍也。

玉音渙發。朝野傳誦。咸謂置堂澤。執執省。蓋四平。聖主深知王之德。洞悉王之心。故言之親切周詳。而王德業之崇隆。勲功之表著。實足當之無愧云。

世宗自聞王嬰疾。醫禱備至。每欲重。親往臨視。王再三懇辭。旬月間。必力疾入見。以慰聖念。迨病勢寢劇。恐貽。

聖憂。移寓西山養病。至夏四月。始返邸第。

世宗適以禱雨還宮。既得雨。王屢奏請。

駕幸圓明園。迨

世宗聞王疾革。既

命駕往視。而王已脫然逝矣。始則不欲以病狀煩

睿念。繼則不欲以永訣傷

聖懷。而於已身之生死。毫無顧慮。非具慧覺之性。去來

自主。而一息不忘忠愛者。其孰能之。王薨。

世宗震悼。輟朝三日。

親行奠醑。特於宮中持素服匝月。自移殯攢廬。月遣官

致祭。及葬期已屆。

世宗自製祭章。率宮眷及諸王皇子。以家人禮致奠。攷

周禮大烝之典。以王配食。

廟廷。復憶曩時。與王同事。

皇考聖祖。友愛之情。宛然如昨。凡告

廟典禮。應書名者。仍書王原名。以誌永念。又以古有大

功者。錫之顯諡。復申之美號。以褒揚之。宜以所

賜忠敬誠直勤慎廉明八字。冠之諡法之上。王靡善不

臻。易名之典。宜諡曰賢。以包衆美。廣集廷議。僉

云合禮。

世宗滴淚研硃以書之。中外臣僚。感德慕義者。皆得請

旨叩奠。或遣使致祭。十五省之人民。請建祠崇祀者。遠

近相屬。不謀而同。

特允於奉天直隸江南浙江各建祠宇。以昭崇報。每當

邸第告奠之日。滿漢文武諸臣。皆悲痛失聲。及

啓殯。宗室王公。舉朝紳士。步行哭送。暨道旁者

民走卒。靡不焚香泣拜。婦孺亦灑涕歔歔。王之

懿德美行。入人之深者如此。王操履廉潔謙讓。

一出於中誠。

世宗屢加錫賚。王必懇款固讓。初欲準分封之例。賜以

所應得則辭。繼欲準裕親王例。令支官物六年。則又辭。繼命增加儀仗一倍。則又辭。繼加賜親王俸萬金。辭之不允。則封識所賜而藏之。卜葬之地。瑩域之制。務循儉約。預囑遺言。先是王奉命相地泰寧山。山勢聯絡。有中吉次吉之地。

世宗欲以中吉者賜王。王驚懼色變。固辭。語至悚切。自於涑水擇平善之地以請。及病。恐復以前所欲賜者賜之也。請益力。

世宗不得已從之。王欣喜不自勝。既遣護衛啓土。取小塊吞之。曰。若是。則臣心安。而子孫蒙福矣。又按

會典成式。繪墳院圖。示王妃暨諸子曰。毋違吾言。而越往制。至身後。府中司事者以聞。

世宗鑒王平日退讓誠切。遺言不忍不從。從之。則又於崇德報功之典未稱。

詔廷臣集議。僉謂王賢不世出。宜斟酌舊章。增廣崇廓。特加採納焉。以十年九月葬涑水縣之水東村。從王志也。王蒞事八載。精白一心。光輔大業。

世宗嘗曰。朕實賴王翼贊昇平。王實能佐朕治平天下。咸謂聖主賢臣之相遇。數千百載而一見。今且於本支

帝胄之間得之。其盛難概見云。數年來。

特加恩禮於王。及王恭代行禮之日。天氣必融和晴霽。以夏五月移殯。而清和涼爽。無炎歊之氣。自發引至葬。風恬日朗。徒役歡欣。當大殮時。

世宗將臨視。望東南雲氣。宛若神人。聳立層巒。與王惟肖。俄幻爲虎。適當王邸第之上。虎於十二辰中爲寅。王之生年也。王功德隆盛。其大者旣卓卓在人耳目。卽小節亦多人所不能及。

聖祖在熱河。偶遣中使回宮。王迎問起居。墜馬脫脛。強自抑按。仍齊集請

安。不自知其足之傷也。奏牘呈進。

御前者。筆札必致精謹。微至縹囊緹篋。一一經心。王事上之心。毫不敢苟如此。王精於騎射。發必命中。馳驟如飛。嘗從獵。猛虎突出林間。王神色不動。手利刃刺之。見者服其神勇。詩文翰墨。皆工敏清新。而自以未能度越古人。不欲以此自見。亦不自料。僅止中壽。遺稿遂至散失。間有吟咏。曾經

御覽者。吉光片羽。

特珍愛存錄。藏之宮中。嘗

諭大學士張廷玉曰。朕暇日編集詩文。當錄王所作。附

見卷中。以傳永久。至於宗門上乘。深究密諦。明靈了徹。慧悟融通。至末後一著。撒手游行。全體呈露。斯可共證矣。八年五月朔之四日。王薨。年四十五。有五十一年。立碑墓道。

世宗御製碑文云。朕惟國家啓昌隆之運。則誕降名臣。祖宗鍾福慶之貽。則篤生賢胄。粵若師師。虞代稷契。爲帝室之英。濟濟周朝。旦奭是姬宗之彥。莫不紀諸謨典。頌以聲詩。前蹟可稽。遺編具在。如朕弟怡賢親王。則於古有光者也。王秉乾坤之清淑。萃川嶽之精華。爰自幼年。早徵至行。禁庭奉

誨。循禮度以持躬。內殿承

歡。篤孝思於繞膝。實超出於同氣。久默識於中懷。是以纘紹之初。慎選親賢之寄。特加恩命。晉授王封。正在亮陰。俾膺總理。當良奸之雜處。以鎮靜服羣情。遇綱紀之待釐。以精明襄萬務。誠勞旣著。眷倚逾殷。綜中外之訏謨。司兵農之大計。而王恪勤匪懈。兢勵彌深。體朕心爲己心。視國事如家事。詳核度支之積實。府藏充盈。請蠲吳越之浮糧。閭閻康阜。興田功於畿內。杭稻連疇。籌水利於江南。河渠順軌。至若邊形指掌。瞭大勢於川原。武略在胸。贊成謀於幃幄。壯戎容於

鴈磧。組練鮮明。裕軍實於龍沙。驂騶騰躍。蒼黔恬樂。罔聞徵發之頒。朝省安閒。莫見運籌之迹。是其潛思默算。備竭精誠。故能應變投機。不形聲色者矣。扶持正直。公道於以昭彰。薦達猷為。人材由茲奮起。度惟謙挹。同事務協於和衷。量本寬弘。曹官胥歸於涵茹。領周廬之環衛。訓練維勤。定宮府之規模。施為悉當。凡關於民生吏治。知無不言。曾經其熟計深圖。行皆有效。祇慎而不宣於眾。退讓而恐居其名。皆中禁之密陳。豈外廷之能曉。心迹則青天白日。衾影無慚。節操則瑩玉清冰。垢塵不染。研幾窮理。得聖經賢傳之

精微。輔世寧民。具帝佐王臣之蘊負。道光竹帛。恢平章調燮之勲。瑞叶星雲。樹喜起明良之範。朕實賴王治安寰寓。王實為朕翊贊昇平。既歷八年。有如一曰。斯乃

上天降佑。

列祖垂庥。賚良弼於本支。作盛時之梁棟。於

皇考為孝子。於朕躬為純臣。自昔罕聞。在今幸覲。惠慈

之性。宜其克享遐年。豈弟之恩。足以迓承繁祉。人情

胥願。天數難齊。詎盡瘁以忘軀。遂抱疴之纏體。禱

神祇而靡應。商醫藥而弗瘳。王忠愛之忱。始終一致。沉

八旗通志 卷一百三十四
綿之候。遷避而勿敢上聞。危篤之期。溘逝而慮傷。永訣。朕將臨視。王已飄昇。望幻影於雲中。靈奇示象。蛻色身於塵界。慧覺超凡。生有由來。理當可信。王幽明感德。遠近歸仁。錫命每申。則日晴紫陌。祖筵方徹。則風藹青阡。虔叩總幃。動舉朝之痛憶。競隨素紼。溢長路之悲號。嘗賜標題。畧傳梗槩。忠敬而兼之誠直。勤慎而益以廉明。禮重易名。約一言而該美善。義隆加謚。冠八字以示寵褒。朕親奠郊垵。頻紆車駕。時陳牲醴。每遣臣僚。敦儉素之風。瑩兆本由於自擇。議推崇之典。經費優給於官供。吉宅旣安。豐碑宜勒。於戲。念

股肱之誼重。雕刻金鏞。倦手足之情深。鋪揚玉牒。功高德茂。享亘古之鴻聲。生榮死哀。備生人之全福。將使斯文炳煥。偕星曜以流輝。貞石嗟峨。與峯巒而永峙。云爾。王子五人。弘昌。弘暉。弘皎。弘盼。弘曉。弘暉初冊爲世子。與弘盼皆早歿。弘暉之歿也。其所聘傅察氏。堅志守節。詳見列女傳。弘昌封貝子。弘皎封寧郡王。弘曉襲封怡親王。俱醇謹能守王遺訓焉。

